

Júu[^] e to_o~ fí ni~ jì catî tú~ quiá'- Paa~ e catíng~ dsea` seeng` fí CORINTO

¹ Jnea~ Paa~ lín'n jaang` dsea` apóo[^] i óo` ta~ quiá'- Dsea` Jmáang~, cò' lajòb cali'iaang` dsí' Fidiée` cajméer` cò_o' jnea~. Jò colíng~ cò_o' jaang` dsea` rú'naa' dsea` quiá'- Dsea` Jmáang~ i sîi Timoteo, jmo'o e jì la e catíng~ jaléng' 'nú', dsea` rú'naa' dsea` quiá'- Dsea` Jmáang~ i neáng' fí na fí Corinto. Jogui cajo catím~ e jì la i dsea` rú'naa' dsea` quiá'- Dsea` Jmáang~ caguaang~ i neáng' fí latøøng~ fí guóo~ uó[^] fí lí se' Acaya. ² Jò lana má'~i Tiquí'ii' Fidiée` cò_o'gui Fí'naa' Dsea` Jmáang~ e güi'f'bre güea'^ quiá'r~ fí lí seeng`na' jogui e nicuó'r~ 'nú' e seeng`na' juguiá~ júu[^] røø`.

Jalé` iihuú' e ca'íng' Paa~

³ Jò contøøm~ 'né~ jmiféng'naa' Fidiée` i líng' Tiquíá'^ Fí'naa' Dsea` Jmáang~, cò' íb` Tiquí'ii' i fí' líng~ jneaa~aa' jogui íb` Fidiée` i jmití'~ dsí'naa' mi~ ee'go huíng' dsijée' quí-ii'. ⁴ Jogui íb` dsea` i jmití'~ dsí'naa' jee~ jalé' iihuú' e dsingíng~naa'; jò jmóor` lajò e laco' jneaa~aa' cuøøng` lí ni-jmití'~naa' dsí' jaléng' dsea` rú'naa' i dsingíng~ lajò; jò jmoo~naa' lajò cò_o'~ dsea` rú'naa' lí'^ laco'gui la nicajmée` Fidiée` cò_o'~ jneaa~aa'. ⁵ Jò lí'^ laco' eáang' íng'~naa' iihuú' dsu' uí'~ e lí'naa' dsea` quiá'- Dsea` Jmáang~, jòba' lajòb cajo, la'eáang`

íb, e eáang' litíi' dsi'naa' lana. ⁶ Jo jnea'^ dsing'ng'naa' iihuí' e lí'^ laco' nilítíi' óó'na' jogui uíi' e guia'naa' júu^ jee' 'nú' quiá'- jial nileáng'na' jee' jalé' dsee' quíi'na'. Jogui mi' jmitíi' Fidiée' dsi'naa', jmóor' lajō e lí'^ laco' nilítíi' óó'na' jogui e laco' té'na' e ja' nilítúng' óó'na' jee' jalé' iihuí' e dsing'ng'na' lí'^ laco' la dsing'ng' jnea'^. ⁷ Jo guiáb' nita' dsi'naa' cuaiñ' quíi'na', cō' nine'baa' e lí'^ laco' íing'na' iihuí' colíing' cōo' jnea', jogui lajōb cajo nijmitíi' Fidiée' óó'na' colíing' cōo' jnea'.

⁸ Dsea' rú'naa' dsea' quiá'- Dsea' Jmáang', ii'baa' e nijmiguiéng'naa' áa'na' jalé' e iihuí' e cangong'hi' jnea' fí' lí' se' Asia. Jo eám' huíng' jalé' e cangong'hi'naa' do e car' júi' jo' 'ga' lí' cateá'naa', cō' jì'gui ca'f' dsi'naa' e jo' ni'uó'naa' e fí' jō e jí'naa'. ⁹ Jo ca'f' dsi'naa' e dseáng'- njngám'- dsea' jnea'^. Jo dsu' cangojée' e jō e lí'^ laco' calilí'^naa' e ja' quíi' jmi' jmó'naa' yee'naa', dsuco' 'né' e niseáang' yee'naa' fí' jaguó' Fidiée' i jì'gui jmi'j'itu jaléng' 'lí'.

¹⁰ Jo Fidiéeb' dsea' caleáaiñ' jnea'^ ie' jō e laco' ja' cajiá'naa' fí' ni' 'mó', jogui íb' cajo i nileáng'gui jnea'^ lajee' ngóo'guiji. Jogui dseáng'- nitab' dsi'naa' cajo e dseáng'- nileám'bir jnea'^ jee' 'mó' ¹¹ fíng song jmicōo' 'nú' jnea'^ e nimíi'na' Fidiée' uii' quíi'naa'. Jogui song fíim'ba' nimíi'na' Fidiée' uii' quíi'naa', jōba' fíim'ba' cajo nicuó'na' guimáang' Fidiée' uii' cōo' jalé' e guiá' e jmóor' cōo' jnea'^.

Jiali' ja' cangó' Paa' fí' Corinto

12 Jo seab` coo` uuing~ e iáang` dsi`naa', jo e jo uíi~ e nicalilí`naa' e dseáng`- guiáb- nica'ee~naa', jogui lí` dsii- e eáang`gui nicajmé`naa' lajo jee` 'nú'. Jo lajob jmoo~naa', dsu' o' la'eáang` cóo~ jalé' e tiiing`naa' ngáng`naa' yee`baa', co' lí`naa' lajo dsu' uíi~ e lajo nicajmée` Fidiée` cóo~ jnea` uíi~ e eáang` 'neáaiñ` jnea'`. 13 Jogui fí` ni~ jalé' jì e nicasiing~naa' quíi~na', ja` mí` cajmée`~naa' júu^ e jié' e laco' huíing` ngáng`na' osi e ni'f`na'. Jo sijeem` e dseáng`- ningám`ba' røø` 14 lí` laco' la nicangám`jiu' lí` líing~ e mi~ nigüéeng~tu Fíi`naa' Jesús fí` jmigüü` la, lajaléng` 'nú' nili'iaang` óo`na' cuaiñ` quíi~ jnea` lí` laco'gui jnea` nili'iaang` dsi`naa' cuaiñ` quíi~na'.

15 Jo co' lajob nita~ dsii- cóo~ 'nú', joba' nica'f` dsii- e jang`- nii~baa e ni'ee~e 'nú' fí` na, jo lajoba' cuøøng` e ni'uíing~ guiá- quíi~na' e nití` tú- ya'. 16 Co' lamí` sí'f` í` dsii- e ni'ee`e 'nú' lajee` e iuun- fí` e ngóo`o fí` lí` se' Macedonia, jogui e ni'ee`túu 'nú' mi~ niquing`-túu fí` jo, jo lajoba' cuøøng` e nijmicóo~ 'nú' jnea~ cóo~ jalé' e 'né-e lajee` e iuun- fí` e ngóo`o fí` lí` se' Judea. 17 Jo ¿su 'nú' í` óo`na' e mi~ ca'f` dsii- e nijmee~e lajo, ja` ca'f` dsii- dseáng`- laco' catíing~? U~, o' lajo. Co' jnea~ ja` jmóo`o e tú- neáang` dsii- mi~ ee`go jmóo`o, co' ja` fá`a e nijmee~e mi~ í` dsii- e ja` nijmee`e. 18 Jo lí` laco' jmiti~ Fidiée` júu^ quiá'r~, lajob jmoo` jnea` cajø, co' ja` síi~naa' 'nú' e nijmó`naa' jogui mi~ ngoyúung`- jo, ja` nijmó`naa'. 19 Jo jnea~ cóo~gui Timoteo jogui cóo~ Silvano guia`naa' jee~ 'nú' e júu^ quiá' Fíi`naa' Jesús i líing` Jóo' Fidiée`. Jo Fíi`naa' Jesús ja` tú- neáang` dsíir', co' mi~ jíñ`- ee`go

nijmér-, joba' dseáng'- jmóo`bre. ²⁰ Co' la'eáang' cóo'~ dseá` do e liti~ lajalé' júu^ e cuø' Fidiée~. Jo có' lajob líí, joba' mi~ jmiféng'naa' Fidiée~, fé'naa' "Lajob nilí'" la'eáang' cóo'~ Fíi'naa' Jesús. ²¹ Jo Fidiée~bing' i nicajmée` e teá` téé~naa' fí' guiá~ cóo'~ Dsea` Jmáang~, jogui íbi cajo i nicaguíng' jneaa~aa' e laco' lana nilíí'naa' dseá` quiá'r-. ²² Jogui Fidiée~bi cajo dseá` nicajméeer` e lí~ e nilíí'naa' dseá` quiá'r-, jogui nicacuø'r' jneaa~aa' Jmiguí' quiá'r- e seeng` cøøng` cóo'~ jneaa~aa'. Co' e Jmiguí' do líí' 'náng' quiá'- e catíng- ni'íing'naa' mi~ nití' e í' jo.

²³ Jo dsu' 'ñiab' Fidiée~ dseá` tí' nir~ e ñir' e~ uiing~ quiá'- e ja` mí' calí- e ninii~i fí' na fí' Corinto líí^ laco'gui jíí'~ lamí~ í dsii-. Jo nicalí- lajo e líí^ laco' ja` lamí~ iin~n e nilíng-tu' fí'í^ cóo'~ jalé' júu^ e síí^ e nifíí' i'nú'. ²⁴ Co' jnea'^ ja' ii~naa' e niquiá'^naa' 'nú' ta~ e nijá'- líng'na' laguidseaang- jalé' e já'- líí jnea'^, có' 'nú' teáb` teáang-na' fí' guiá~ cóo'~ Dsea` Jmáang-. Co' jnea'^ lico' ii~naa' e nijmicóo'naa' 'nú' jial niliseeng`na' e íáang` óó'na'.

2

¹ Jo uíi~ e lajob líí, joba' ca'í dsii- e ja` ninii~túu e ni'ee~e 'nú' e laco' ja' nijmijiuung~ óó'na'. ² Dsaco' fíng song cajmé~e lajo, joba' jo` ii` seeng`gui i cuøøng` lí jmi'íáang`gui dsii-, có' jo` cuøøng` lí jmi'íáang`na' dsii- fíng song nicajmijiuung~ óó'na'. ³ Jo uiing~ e joba', cajmé'- e jì' la'uii~ do quií~na', dsuco' ja` iin~n nii~i e ni'ee~e 'nú' e laco' nijmijiuung`na' dsii-, có' lí^ lí' 'né- e nijmi'íáang`na' dsí'baa. Jo dseáng'- lamí~ ta~ dsii- e lajím` 'nú' nilí'íáang` óó'na' lajíí'~ e íáang` dsí' jnea~. ⁴ Jo mi~ cajmé'- e jì' la'uii~ do quií~na', eám' guing~ dsii-

uui~ quíi~na' jogui jmoó`baa fi'í^ cajo, co' jì'gui cartí' quí'~baa. Jo dsu' ja` cajmé'-e e jì' do quíi~na' e lí^ laco' nijmijiuung` óó'na', dsuco' cajmé'-e e jì' do e lí^ laco' niliñi~na' jial tí' eáang` 'neáan`n 'nú'.

Mi~ cajmée`Paa`féng`dsír`uui~ quía'~jaang`dsea` i ca'lee'

⁵ Jo i dsea` i nicacuø' fi'í^ dsí' do, o' jii~ jnea~ dsea` nicacuø'r' fi'í^, co' lajob 'nú' cajo, lifa' jiu~ guijiu. Jo fá'-a jiu~ guijiu e lí^ laco' ja` nilíng~na' fi'í^ e eáang'.

⁶ Jo e iihuí' e nicacuøø~ 'nú' i dsea` i ca'lee' do uui~ quía'~ lajii~ e ga` e cajméer` do, joba' líng~ jnea~ e nitéb' jii~ lajo. ⁷ Jo lana lí' lí' 'né' íng~na' dsee~ quíab'~ i dsea` do, jogui e nijmití'~na' dsír' cajo.

Jo lajoba' ja` dseáang'~ e dseáang'~ nitúr` conguiá' lajii~ fi' guíú~ lí' nisiñ' uí'~ e eáang' lijjuung` dsír'.

⁸ Joba' mí'~i 'nú' jmi'ee~ e nijmita~na' dsí' i dsea` do e 'neám~bír' lí^ laco' lamí~ jmoo`na' cóo'r~. ⁹ Jo lamí~ jéeng`gui nicaguiéem~baa jì' quíi~na' cuaiñ~ quía'~ e júu^ la e lí^ laco' niliñi~ jogui nilita~ dsii` su dseáang'~ lajang'^ guía' óó'na' e nijmée`na' núu~na' jalé' júu^ e liúun'~n 'nú'.

¹⁰ Joba' i dsea` i ni'íng~na' dsee~ quía'~ do, lajob nijmee~ jnea~ cajo, co' ni'ím~baa dsee~ quía'r~ song sea` uíng~ e nijmee~ e lajo. Jo nijmee~ e lajo uí'~ 'nú', jogui Dsea` Jmáam~bing' i tí' ni~ quía'~ e jo. ¹¹ Jo jmoó`o lajo e laco' ja` dseáang'~ e nijmi'óo~ jneaa~aa' fii~ i 'líng'^ i sii` Satanás, co' nínē~baa' guíú~ jial lí' ta~ quía'r~.

Ja` iáang`dsí' Paa`mí`caguiér`fi`Troas

¹² Jo e laba' fii~i 'nú', e ie~ mí~ caguié~ e fi' coo' fii' e sii` Troas e quía'~ e niguiaa~ júu^ quía'~ Dsea` Jmáang~, joba' eáam' caliseá' fi' quíé~ e e nijmee~ e lajo. ¹³ Jo dsu' mí~ caguié~ e fi' jo, ja` iáang` dsii`

dsu' uí' e ja`cadsén'n i dsea`rú'naa' dsea`quíá'-
Dsea`Jmáang- i sií' Tito. Jo uí' joba', ladsifí' lajob
ca'í' i júu^ i dsea` i seeng` fí' jo, jo cangó-o fí' lí' se'
Macedonia.

Jial lí'-naa' la'eáang' cóo'~ Dsea`Jmáang-

¹⁴ Jo e~gui gui'máang' Fidiéé', có' la'eáang' cóo'~
Dsea`Jmáam-ba' e contøng- lí'-naa' doñí' ee`
dsijéé' quí-ii', jogui la'eáang' cóo'~ jnea'^ e ni'
Fidiéé' júu^ quiá'r-. Jo e júu^ quiá'r- do ni' jee~
jaléng' dsea`lafa' cóo` e jlo'^ jmeafíi'. ¹⁵ Ds_ucó'
la'eáang' cóo'~ Dsea`Jmáam-ba' lí'naa' lafa' cóo`
jmeafíi' e jlo' e guilí' fí' quini' Fidiéé', jogui e joba'
e lafa' ni' jee~ jaléng' dsea` i nisilaang- jee~ jalé`
dsee- quiá'- jogui jee~ jaléng' dsea` i niteáang'~ fí'
ngolíng` fí' lí' 'lí'^. ¹⁶ Jo e jmea' e hí' do lí' lafa' cóo` e
jmeasií' quiá'- jaléng' i dsea` i niteáang'~ fí' ngolíng`
fí' lí' 'lí'^. Jo dsu' cóo` e jlo'^ jmeafíi' lí' quiá'-
jaléng' i dsea` i nisilaang- jee~ jalé` dsee- quiá'-,
có' í'bing' niteáang'~ fí' ngolíng` fí' lí' niliseeiñ`lata~.
Jo ¿i~ quíi'~ jmíi~ nijmé- e ta~ jo? ¹⁷ Jo ja` quí'-
jmíi' fa' nijmé- lajo i dsea` i ngí' guía' júu^ quiá'-
Dsea`Jmáang- e quiá'- e lí'r' cuu- lí'^ lacogui la
jmoo` i fíing` dsea`. Dsu' lífa' jnea'^ lí'^ lí' ngí'naa'
guía'naa' júu^ e cóob` í' dsí'naa', jo Fidiéé' dsea` tíí'
nir~ e jmoo-naa' lajo, có' í'bre dsea` casíiñ` jnea'^ e
jmoo-naa' e ta~ jo uí' e lí'naa' dsea` quiá'- Dsea`
Jmáang-.

3

Júu^ tigua' e 'mí- e cacuø' Fidiéé'

¹ Dsea`rú'naa', jo mí' fé' jnea'^ e júu^ na, jie~
mí' í' óo'na' e ninaang-túu' calé` catú- e nijmiféng'

yee~naa', cõ' dseáng' o' lajõ; jõguì cajo ja` 'né` e nicuøø'~naa' 'nú' õsi e nimí'~naa' 'nú' mají lí` fé' e ta` óó'na' cõõ'~ jnea'^ lí'^ lacõ'gui la jmoõ` ì líing~ dsea`. ² Cõ' yaam~ 'nú' líing'na' lafa' e mají e 'né` jnea'^ do, jõ e mají do lafa' nisilí' fí' dsí' jnea'^, jõ doñí' ìi` dsea` cuøøng` lí' jøø` jõguì cuøøng` lí' ê e jõ. ³ Jõba' guiáb` lí` e lajalém' 'nú' líing'na' lafa' cõõ` mají e cajme' Dsea` Jmáang` la'eáang' cõõ'~ jnea'^. Jõ dsu' e mají jõ ja` calí' cõõ' ì jjí'~ lacõ' jmáng' dsea` ta` mi~ jmo'r', cõ' e jõ calí' la'eáang' cõõ'~ Jmiguí` quiá'~ ì Fidiéé` ì seeng` car` ngongí' jmi~ do. Jõguì cajo ja` calí' e mají do fí' dse' cuu` e jmá', cõ' e jõ lafa' calí' fí' dsí' b' dsea`.

⁴ Jõ dseáng'~ nita` dsí'naa' cõõ'~ Fidiéé` la'eáang' cõõ'~ Dsea` Jmáang` e dseáng'~ lajõb` líing' 'nú'. ⁵ Jõ dsu' jnea'^ jjí'~ cõõ` quí'~naa' jmi~ e nijmé'naa' e lafa' e quí'~naa' yee~naa' jalé' e jõ, cõ' la'eáang' cõõ'~ Fidiéé`ba' e quí'~naa' jmi~ jmoõ`naa' jalé' e jmoõ`naa'. ⁶ Cõ' dsea` dob dsea` nicacuø'r' jnea'^ e quí'~naa' jmi~ jmoõ`naa' ta` guiá' júu^ tigua` e 'mí'~ quiá'r'. Jõ dsu' e júu^ tigua` do ja` silí' cõõ'~ guoo` dsea`, cõ' e jõ silí' la'eáang' cõõ'~ Jmiguí` quiá'~ Fidiéé`. Cõ' e júu^ quiá' ta` quiá'~ Moi` do jjí'~ fí' 'mób` sí', jõ dsu' la'eáang' cõõ'~ Jmiguí` quiá'~ Fidiéé`ba' cuøøng` liseeng` dsea` lata`. ⁷ Jõ mi~ ca'íng' Moi` e júu^ quiá' ta` e cajme' Fidiéé` fí' ní` e cuu` e jmá', dseáng'~ eáang' jlo'^ níng' jí' cõ' jì'gui jaléng' dsea` Israel ja` cuøøng` lí' jøør` fí' ní` Moi` uí'~ e eáang' jíng' jí'. Jõ dsu' e jlo'^ jíng' jí' do ja` huøø` ee~, cõ' nijém'~tu. Jõguì song dseáng'~ eáam' jlo'^ níng' jí' mi~ cacuø' Fidiéé` e júu^ quiá' ta` e sí' jjí'~ fí' 'mó`, ⁸ jõba' dseáng'~ ja` cõøøng' cõõ'~

jial tí' níng' jlo' lí' mi' cacuø' Fidiée' e júu' tigua' e 'mí' do la'eáang' cóo' Jmiguí' quiá'r-. ⁹ Joba' song dseáng' eáam' niing' jlo' mi' cacuø' Fidiée' e júu' quiu' ta' quiá'r- e si' jíi' fí' 'mó', joba' ja' cóong' cóo' jial tí' eáang' gui niing' jlo' mi' cacuø' e júu' tigua' quiá'r- e 'mí' e jmoo' e jo' røong' dsea' dsee' fí' quini'r. ¹⁰ Jo dseáng' ja' cóong' cóo' jial tí' eáang' niing' jlo' ie' mi' cacuø' Fidiée' e júu' tigua' e 'mí' do laco'gui e ji' ie' mí' cacuø' e júu' quiu' ta' do. ¹¹ Jogui song dseáng' eáang' niing' jlo' mi' cacuø' Fidiée' e júu' quiu' ta' do e nicasung', joba' dseáng' ja' cóong' cóo' jial tí' niing' jlo'gui e júu' e sea' car' ngong'í' jmí' do.

¹² Jo co' nitab' dsi'naa' e ja' tóo' jmí' ni'íing' jalé' e jo, joba' dseáng' ja' 'gó'baa' e guia'naa' júu' quiá'- Dsea' Jmáang'. ¹³ Dsuo' jnea' ja' jmoo'naa' laco'gui cajmée' Moi' ie' jo e caquí'r' nir' cóo' cóo' 'mí' e laco' ja' nililí' dsea' góor' dsea' Israel e ngo'ím' e jíing' jí' nir' do tá'-jiu. ¹⁴ Jo dsu' i' dsea' Israel do ja' cali'íiñ' cangáiñ', jogui lajobi líiñ' cartí' jmí' na, co' mi' ir' e júu' tigua' e yuu' do, lí' lafa' sea' cóo' 'mí' e jni' fí' moguir' e laco' ja' ningáiñ' e júu' jo, co' ja' mí' cajé'-bi e 'mí' do quiá'r-, co' jíi' la'eáang' cóo' Fí'naa' Dsea' Jmáam'ba' cuøong' nijé'- e 'mí' jo. ¹⁵ Jo lati' jmí' na ja' mí' ngám'bi i' dsea' do mi' ir' jalé' e jí' e cajme' Moi', co' e 'mí' do bi lafa' sijní' fí' moguir' e laco' ja' ningáiñ'. ¹⁶ Jo dsu' mi' jaang' dsea' quí'- jíng' 'ñia'r' fí' quini' Fidiée', joba' dsifí' lajob' lafa' je' e 'mí' do. ¹⁷ Jo røøb' cóong' Dsea' Jmáang' cóo' Jmiguí' quiá'- Fidiée', joba' e fí' lí' seeng' e Jmiguí' quiá'- Fidiée' do, fí' job' sea' fí' e jo' quiu' ta' quiá'- dsea'

e júu^ tigua^ e yáuu^ do. ¹⁸ Jo co' jo' ee` siji'gui fi ni~naa', joba' lana nilí'naa' lafa' coo` sí' espejo lí jnéeng^ jial tí' niing^- jlo'^ líng' Fidiéé^ . Jo lajob ngóo' uíng^-naa' lí'^ laco' la líng' Fidiéé^ , co' lacoo` jmíi~ eáang'gui ngóo' lisea` quí'-ii' jial tí' e jlo'^ niíñ^- do. Jo dsu' e jo `ñiab' Fidiéé^ dsea` jmóor` la'eáang` cóo'^ Jmiguí` quiá'r^- .

4

¹ Jo co' eáam' guiúng^- Fidiéé^ , joba' cacuø'r jnea'^ e jmoo^-naa' e ta~ la. Jo co' lajob lí'gui, joba' dseáng'^- ja` litúng^- dsi`naa'. ² Jo dseáng'^- ca' nica'naang^-naa' lajalé" e cuø' fi'i" e quí'- táng` dsea` jmóor` fí' lí' cóøng'^; jo ja` ngí'naa' lí'^ jmígøøng`naa' dsea` rú'naa', o'gui guia'naa' júu^ e jíé" jíí~ laco' fé" júu^ quiá'^- Fidiéé^ . Co' jnea'^ lí'^ lí' guia'naa' júu^ dseáng'^- laco' lí' júu^ quiá'^- Fidiéé^ , joba' guiáb^- niñí' dsea` rú'naa' e dseáng'^- lajob jmoo^-naa' jogui lajobi tí' ni~ Fidiéé^ cajo. ³ Jo e júu^ quiá'^- Fidiéé^ e guia'naa' quiá'^- jial laang` dsea` jee~ jalé" dsee^- quiá'r^- lí' e ja` 'goo` guøng", dsu' lí' lajo jíí~ quiá'^- jaléng" i dsea` i niteáang^- fí' ngolíng` fí' lí' 'lí'^. ⁴ Co' fii~ i 'líng'^ i quie' nifi' fí' jmigüí' la, í'bing' i jmoo` e sijní' moguí~ jaléng" i dsea` i ja` já'^ líng` júu^ quiá'^- Fidiéé^ e laco' ja` ningáíñ" e júu^ jo jogui e laco' ja` ninííñ` jial jlo'^ niing^- e júu^ quiá'^- jial laang` dsea` jee~ jalé" dsee^- quiá'r^- lí' fé" jial tí' niing^- jlo'^ líng' Dsea` Jmáang^- i líng' Fidiéé^ cajo. ⁵ Dsu' jnea'^ ja` ngí'naa' guia'naa' júu^ quí'-naa' yee~naa', dsuco' jnea'^ guia'naa' júu^ e Dsea` Jmáam^- dsea` líííñ' Fí'naa', jo jnea'^ líco' lí'naa' dsea` i jmoo` ta~ quini^na' uíi~ e lí'naa' dsea` quiá'^- dsea` do. ⁶ Jo Fidiéé^ i caqui' ta~ e caliseá`

jì fí lí n̄u sò', íb` Fidiéé̃ j̄ cajmée` cajo e lafa' nicaliseá' jì fí dsi'naa', j̄o la'eáang' cóo' e j̄o cuøøng' line~naa' jial tí' jlo'^ niing- Fidiéé̃ e jnéeng- fí' ní' Dsea` Jmáang-.

Jial seē-naa' la'eáang' cóo' júu^ quiá'- Dsea` Jmáang-

7 J̄o e júu^ jlo'^ e quíng' eáang' do, jneab'^ dsea` léé'naa' e j̄o. J̄o dsu' jnea'^ lico' lí'naa' lafa' coo' tu' guóo' e laco' 'ñiab' Fidiéé̃ dsea' jmilir~ jial tí' 'gøiñ' cóo' e júu^ j̄o, j̄o o' yee~naa' dsea' jmoo~naa' laj̄o. 8 J̄o nañí' fa' eáam' dsing'ing- jnea'^ jalé' iihuí', dsu' ja` lí' jnea'^ jalé' e j̄o. Jogui seab` mi~ ee'go fí'í' dsí' jmoo~naa', j̄o dsu' ja` lítúng- dsi'naa' cóo' e j̄o. 9 Jogui seab` mi~ 'ní' níng- dsea' jnea'^, dsu' ja` yee~naa' seē-naa'; jogui seab` mi~ gab' jmáng' dsea' jnea'^, dsu' ja` quí'r~ jmi~ fa' ni'liñ- jnea'^. 10 J̄o doñí' jíé' ngi'naa', dseáng'- dseáam'- seē-naa', có' dseáam' e nijngáng'- dsea' jnea'^ lí' laco' cangong'ing- Jesús; j̄o dsing'ing-naa' laj̄o e lí'^ laco' nilili~ e cøøm` seeng' Jesús cóo' jnea'^. 11 J̄o jaléng' jnea'^ dseáng'- contøøm- dseáng'- dseáang' seē-naa' dsu' uí' e lí'naa' dsea' quiá'- Jesús, j̄o laj̄oba' nilili~ e seem`bre cóo' jnea'^, dsea' lí'naa' jú' dsea' jmigüí'. 12 J̄o có' laj̄ob' lí', j̄oba' dseáng'- jee~ 'mó- seē- jnea'^ e laco' 'nú' lana niseeng'na' lata~ cóo' Fidiéé̃.

13 J̄o lalab' cajme' jaang' dsea' fí' ní' jì quiá'- Fidiéé̃ ie~ lamí~ café'r` lala: "La'eáang' e já'- calñ-n júu^ quiá'- Fidiéé̃, j̄oba' café'-a." J̄o laj̄ob' jmoo` jnea'^ cajo, có' laj̄ob' já'- lí'naa', j̄o uí' e j̄oba' fé'naa'. 14 Có' guiáb- nine~naa' e Fidiéeb' dsea' cajméer` e cají'tu' Fí'naa' Jesús, jogui nine~baa'

cajo e lajob nijmér- cóo~ jneaa~aa' lí^ laco' ca-
jméer` cóo~ dsea` do; jo colíing~ cóo~ 'nú^ nidsi-
jeáaiñ- jneaa~aa' fí' quini~ dsea` do. ¹⁵ Jo lajalé^ e
cangongíing~naa' do, cangojée' e lí^ laco' ni'uíing~
guiá- quí-na'. Jo cangojée' lajo cajo e lí^ laco'
i fíing~gui ni'íng^ júu^ quía'- Fidiée~ quía'- jial tíí
guiúíñ-, jo lajoba' i fíing~gui nicuó'- gui'máang^
Fidiée~ e laco' nili'goo` dsea` do.

¹⁶ Jo uíi~ e lajob líí, joba' ja` litúng- dsi` jnea^
cóo~ jalé^ e dsingíing~naa'. Jo nañí' fa' ngóo`
dseáam- ngúu` táang~naa' lacoó` jmíí-, jo dsu' lí^
lí dsi`naa' eáang~gui ngóo` lí- bí dsi' lacoó` jmíí-.

¹⁷ Jo lajalé^ e iihuúí' e dsingíing~ jnea^ fí' jmígüí'
la, e cateáb` jalé^ e jo, jogui ja` ee' 'ga' lí' tíí; jo
dsu' lajalé^ e jo nili'íing^ ta~ quí-naa' lata~ e laco'
ni'uíing~ guiá- quí-naa' e ja` cóøng` cóo~ fí' ñííí-.

¹⁸ Jo uíi~ e lajob líí, joba' lana jo` ta~ dsi`naa' cóo~
jalé^ e jnéeng- jóø^naa' fí' jmígüí' la, co' cóo~ jalé^
e ja` jnéeng- jóø^baa', cóo~ e joba' e ta~ dsi`naa';
dsuco' ja` uóø- ee~ lajalé^ e jnéeng- jóø^naa', jo
dsu' lajalé^ e ja` jnéeng- jóø^naa', dseáng^- latab~
dseáng^- sea` lajalé^ e jo.

5

¹ Jo guiáb- nine~naa', dsea` rú^naa', e lajee~
see~naa' fí' jmígüí' la, líí'naa' lafa' coo` 'núú' má^
'ma~ e ja` huóø- ee~. Jo dsu' nine~bí' cajo e
mí- ni'íing- e 'núú' jo, nicajmeb' Fidiée~ 'nú~naa'
e jlo^ e sea` lata~ fí' ñííí- quíá'r-. Jo e 'núú' jo
'ñiab' Fidiée~ dsea` nicajme'r', jo o' dsea` jmígüí' i
nicajme'. ² Jo uíi~ e lajob nisea` quí-ii' fí' ñííí-, joba'
lana, lajee~ e see~naa' fí' jmígüí' la, eáam' seáang`
dsi`naa' e dseáng^- ni'ii~naa' e 'núú' 'míí- e nisea`

quí-ii' fí ñiff-. ³ Co' e joba' e niquíng' jneaa~aa' lafa' cóo'~ 'mi', jo lajoba' jo' nilíng'naa' lafa' dsea` ringúung'. ⁴ Jo lajee~ e see~naa' fí jmigüi' la cóo'~ e ngúu' táang'naa' la, eáam' seáang' dsi'naa' dsu' uíi'~ e lijiuung~ dsi'naa' cóo'~ jalé' iihuí'. Jo dsu' jneaa~aa' ja' ii~naa' fa' e nijúung~naa', co' lí' lí' ii~naa' e niquíng' jneaa~aa' lafa' 'mi' e 'núu' e sea' fí ñiff- do, jo lajoba' e ngúu' táang'naa' la ni'uíng~ cóo' e sea` car`ngongí jmií. ⁵ Jo 'ñiab' Fidiée~ dsea` nicaguiéiñ` jneaa~aa' guiá~ quiá'- e nilí lajo, jogui í'bi dsea` nicacuø'r' jneaa~aa' Jmiguí quiá'r- e lí' 'náang'~ quiá'- e catí~naa' ni'íng'~naa' mi~ nití- í' lajo.

⁶ Joba' dseáng'- eáam' ta~ dsi'naa' contøng~, jo nine~bí' cajo e lajee~ e see~naa' fí jmigüi' la cóo'~ e ngúu' táang'naa' la, sihuíim^baa' laco' fí lí' guiing~ Fíi'naa' Dsea` Jmáang-. ⁷ Jo lana ja' mí cuøng` neeng~naa' dsea` do, co' lana see~naa' fí jmigüi' la e já'- lí'naa' jíi'~ júu^ quiá'-bre. ⁸ Jo fá'-túu calé' catú~ e eáam' nita~ dsi'naa', jo dseáng'- eáam' ni'ii~naa' e nitú'naa' fí jmigüi' la e laco' nilisee~naa' cøng` cóo'~ Fidiée~ fí ñiff- quiá'r-. ⁹ Jo uíi'~ e lajob ii~naa', joba' dseáng'- contøom~ jmoo~naa' quiíj- e nití- dsíi' Fíi'naa' Dsea` Jmáang~ cóo'~ jalé' e jmoo~naa' nañi' su see~naa' fí jmigüi' la o'si e nitú'naa' é. ¹⁰ Co' lajaléng' jneaa~aa' 'né- ningüing~naa' fí quini~ dsea` do fí lí' guiíñ~ ír' í' e laco' lajaang' lajaang'naa' ni'íng'~naa' lajíi'~ e catí~naa' lí' laco' jíi'~ lí' e cajmó-oo' lajee~ e cataang~naa' fí jmigüi' la, nañi' su guiá~ o'si ja' dseeng' é.

¹¹ Jo co' lajob nilí, joba' nine~baa' e contøom~

'né- nijmí'goo`naa' Fíi`naa' Dsea` Jmáang-, jogui jnea` contøøm- jmoo`naa' quijí- jial e nijá- líng` dsea` júu` quía`- dsea` do. Jo guiúb- nicuíng` Fidiée` jnea` jial lí`naa', jogui sijeem`baa' e cuím` 'nú` jnea` jial lí`naa' cajo. ¹² Dsu' ofa' jnea` nìcanaang`túu' e jmiféng' yee`naa', co' jnea` fé`naa' e júu` na e lí` laco' 'nú` cuøøng` nifo`na' guiá- uii` quí`naa', jo lajoba' quí`na' jmí~ e ningí~na' quía`- i dsea` i jmiráang- yaang` lí` caluu` jo o' dseáng'- jial líiñ' fí' dsír'. ¹³ Jogui song lí' jnea` lafa' dsea` caang~, dsu' jíi'~ cuaiñ` quí`baa' jogui cóo`~ Fidiéeb` e jo; jogui song ja` lí`naa' lafa' dsea` caang~, joba' guiá- quí`ba' jóng. ¹⁴ Jo uii` e eám` 'neáang` Dsea` Jmáang- jnea`, joba' la guím` 'né- jmó`naa' e ta` e jmoo`naa', dsuco' dseáng- nitab` dsí`naa' e íb` dsea` cajúíñ- fí' dse` crúu` uii` jalé` dsee- quí`ii', jo uii` e lajob calí-, joba' lana lajaléng` jneaa`aa' lafa' nìcajúm`baa' cajo. ¹⁵ Jo Dsea` Jmáam- dsea` cajúíñ- uii` dsee- quía`- lajaléng` dsea` jmigüi` jo lajoba' jaléng` dsea` i nilíng` dsea` quía`- dsea` do jo` 'né- seeiñ` e jmóor` lajúi`~ e iñ` yaaiñ~, dsuco' dseáng'- lajúi`~ e iing` dsea` doba' e 'né- jmér-. Co' íb` dsea` i cajúng- jogui cají`tur mi` cang` lajo uii` quía`- jalé` dsee- quía`- jaléng` i dsea` do.

¹⁶ Jo lajúi`~ ie` jmí~ e já- calí`naa' e lajob lí', joba' jo` í' dsí` jnea` uii` quía`- jaléng` dsea` laco' jíi`~ e í' dsí' dsea` jmigüi`; jo nañí' fa' lamí` jééng`gui` í' dsí` jnea` e Dsea` Jmáang- líiñ` jíi`~ dsea` jmigüi`b, jo dsu' lanagui jo` í' dsí`naa' lajo uii` quía`r-. ¹⁷ Co' lana lajaléng` dsea` i niseeng` cøøng` cóo`~ Dsea` Jmáang- nica`uíiñ- dsea` 'mím-; jo cab' nicasé-

jalé" e lamí~ quí" t̄iĩn̄ jmóor, j̄o lana nijmóor` jalé" e guíá~, c̄o' jaam` dsea` 'm̄nḡ nil̄iĩn̄.

18 J̄o ds̄u' 'ñiab" Fidié~ dsea` jmóor` jalé" e j̄o, c̄o' la'eáang' c̄o'~ Dsea` Jmáam-ba' e cajméer` e lana nisee-naa' juguíá~ júu^ r̄øø` c̄o'r~ j̄ogui cacuø'r' jnea'^ ta~ e niguiá^naa' júu^ quiá'r- e laco' cuøøng` niliseeng` dsea` juguíá~ júu^ r̄øø` c̄o'r~ cajo. 19 J̄o lí^ laco' cuøøng` fe'ee' e la'eáang' c̄o'~ Dsea` Jmáang-, Fidié~ nicajméer` e niliseeng` dsea` juguíá~ júu^ r̄øø` c̄o'r~, j̄o ja` mí' cajme'r' cuente lajalé" dsee- e nica'ée` dsea` jm̄güí. J̄o dsea` dob cajo dsea` nicacuø'r' jnea'^ ta~ e laco' niguiá^naa' júu^ e nicajmée` Fidié~ e niliseeng` dsea` juguíá~ júu^ r̄øø` c̄o'r~ jee~ jaléng` dsea` jm̄güí. 20 J̄o jnea'^ lí'naa' dsea` i casíng` Fidié~ cuaiñ~ quiá"- Dsea` Jmáang-, j̄o cuøøng` lí' fe'ee' e lafa' 'ñiab" Fidié~ mí'r' 'nú" jm̄'ee' la'eáang' c̄o'~ jnea'^. J̄o uí~ e lajob lí', joba' la'eáang' Fí'naa' Dsea` Jmáang- m̄í~i 'nú" jm̄'ee' e nijmée^na' quijí- jial niliseeng'na' juguíá~ júu^ r̄øø` c̄o'~ Fidié~. 21 J̄o jíi~ c̄o' dsee- ja` ca'ée` Dsea` Jmáang-, j̄o ds̄u' Fidié~ cajméer` e dsea` dobing' i cacó- lajalé" dsee- quí"ii'. J̄o cajméer` laj̄o e la'eáang' c̄o'~ dsea` do ni'uíng-naa' dsea` i ja` r̄øøng` dsee- fí' quinir~.

6

1 J̄o lana, uí~ e jnea'^ lí'naa' dsea` i jmóo` ta~ e nicanḡnḡnaa' quiá"- Fidié~, joba' liúung'-naa' 'nú" e ngocáng` dsí'naa' j̄o síi'naa' 'nú" e ja` lí^ jm̄'í~na' laj̄o e guíung- Fidié~ c̄o'~ 'nú". 2 Ds̄uco' lalab fé' Fidié~ fí' ni~ j̄i` quiá'r-: "J̄o canú^baa júu^ quí"- mí~ catí' í' laj̄o; j̄ogui cajmic̄o'~baa 'nu` mí~ catí' í' e caláan'- jee~ jalé" dsee- quí"-." J̄ogui lanab

catí í' e ninú⁻ Fidié[~] júu[^] quí⁻na'. J_ogui lanabi cajo dseáng⁻ catí í' e nileáng[^] dsea[^] jee[~] jalé[^] dsee⁻ quíá⁻r'!

³ J_o jnea[^] contøøm⁻ ee⁻ naa' guiá⁻ fí' quini[~] dsea[^] rú⁻naa' e laco[^] ja[^] nifé[^] dsea[^] ga[^] uii[~] quíá⁻ e ta[~] e jmoo⁻naa'. ⁴ J_o dsu[^] jnea[^] lí[^] lí' jmoo⁻naa' lí[~] e lí[^]naa' dsea[^] í jmoo[^] lajii[~] e iing[~] Fidié[~], co[^] jnea[^] eám[^] jmoo⁻naa' té⁻naa' e féng[^] dsi⁻naa' cóo[^] jalé[^] iihu[^] e dsing[^]ng⁻naa' j_ogui cóo[^] jalé[^] e 'né⁻naa' j_ogui cóo[^] jalé[^] fi[^] dsí[^] e dsing[^]ng⁻naa'. ⁵ J_ogui jmoo⁻baa' té⁻naa' cajo mi[~] bøøng⁻ dsea[^] jnea[^] cóo[^] sii⁻, j_ogui mi[~] táng[^] dsea[^] jnea[^] fí' dsí[^] 'nañí[^], j_ogui mi[~] táng[^] dsea[^] jnea[^] mii[~], j_ogui mi[~] jmoo⁻naa' ta[~] ii, j_ogui mi[~] ja[^] 'ga[^] lí' gü[^]naa' uøø, j_ogui cajo mi[~] ngiing[~]naa' oo⁻. ⁶ J_ogui jmoo⁻naa' lí[~] e lí[^]naa' dsea[^] í jmoo[^] lajii[~] e iing[~] Fidié[~], co[^] jnea[^] ja[^] beáng[^] dsee⁻ yee⁻naa', j_ogui eám[^] nine⁻naa' júu[^] quíá⁻ Dsea[^] Jmáang⁻, j_ogui eám[^] guiúng⁻naa', j_ogui eám[^] féng[^] dsi⁻naa' cóo[^] jaléng[^] dsea[^] rú⁻naa', j_ogui seem[^] Jmiguí[^] quíá⁻ Fidié[~] cóo[^] jnea[^], j_ogui dseáng⁻ lajam[^]ba[^] 'neáng[^]naa' jaléng[^] dsea[^] rú⁻naa', ⁷ j_ogui dseáng⁻ lajang⁻ guia⁻naa' júu[^] quíá⁻ Dsea[^] Jmáang⁻, j_ogui la'eáng[^] cóo[^] bí 'gøng[^] quíá⁻ Fidié[~] jmoo⁻naa' jalé[^] e quí[^]naa' jmi[~]. J_o jmáang⁻naa' ta[~] e ee⁻naa' røø na e laco[^] jmi[^]øng[^] yee⁻naa' jee[~] jalé[^] e dsing[^]ng⁻naa' j_ogui e laco[^] ningi[^]naa' quíá⁻ dsea[^]. ⁸ J_o dsu[^] seab[^] mi[~] jmi[^]gó[^] dsea[^] jnea[^], j_ogui sea[^]bi mi[~] jmáiñ[^] ga[^] jnea[^], j_ogui sea[^]bi mi[~] fé[^]r' guiá⁻ uii[~] quí⁻naa', j_ogui sea[^]bi mi[~] fé[^]r' e ga[^] cajo. J_ogui jmáiñ[^] jnea[^] e lafa[^] dsea[^] quie[^] júu[^] e o[^] já[^] lí[^]naa', nañí[^] fa[^] júu[^] já[^]ba[^] e fé[^] jnea[^]; ⁹ j_ogui jmáiñ[^]

jnea[^] e lafa' lí'naa' dsea` i ja` cuíim`bre, nañí' fa' guiáb⁻ nicuíng` dsea` jnea[^]; jogui lí'naa' lafa' dsea` i tí' lí' nijúung⁻, dsu' mí' 'noo`bì see⁻naa'; jogui eáang' cuø'r' jnea[^] iihuí', dsu' ja` mí' cajngaiñ' jnea[^]; ¹⁰ jogui lafa' fi'í[^] lí'naa', dsu' o' já⁻ lajõ, co' contøøm⁻ iáang` dsi`naa'; jogui lafa' dsea` tiñíng⁻ lí'naa', dsu' o' já⁻ lajõ, co' i fíim' dsea` eáang'gui nica'íñ' güea[^] quiá⁻ Fidiéé[^] la'eáang' cóo[~] jnea[^]; jogui lí'naa' lafa' dsea` i ja` sea` quiá⁻ jii[~] cóo[~], dsu' o' já⁻ e jõ, co' lajaléb[^] e 'né⁻naa' seab[^].

¹¹ Joba' fíi⁻guíi 'nú', dsea` rú'naa' dsea` quiá⁻ Dsea` Jmáang⁻ i seeng` fí' na fí' Corinto, e nicaféeng[~]naa' 'nú' dseáng⁻ lajii[~] e í' dsi`baa', jogui nicasíi[~]naa' 'nú' e júu[^] na uí[~] e eáang' 'neáang'naa' 'nú'. ¹² Jo ja` sea` jii[~] cóo[~] quí' jnea[^] e fa' ja` 'neáang'naa' 'nú', dsu' 'núb[^] dsea` i ja` 'ga' lí' 'neáang'naa' jnea[^]. ¹³ Joba' mí[~] 'nú' jmi'ee[^] lana lí[^] laco'gui jmóo` tiquiá[^] jaang` jiuung[~] e féiñ[^] jóor', e jmi'neáang'naa' jnea[~] lí[^] laco'gui jmoo` jnea[~] cóo[~] 'nú'.

Jaléng[^] dsea` quiá⁻ Dsea` Jmáang⁻ líiñ' lafa' guá⁻ lí' seeng` Fidiéé[^]

¹⁴ Jogui lana, dsea` rú'naa', e laba' fíi⁻ 'nú' e ja` quíng[^] yaang[~]naa' jee[~] jaléng[^] i dsea` i ja` já⁻ líng[^] júu[^] quiá⁻ Dsea` Jmáang⁻, co' ja` quí⁻ jmíi[~] e jaléng[^] i dsea` i eé` røø` niliseeiñ` cøøng` cóo[~] jaléng[^] i dsea` i ja` jmoo` lajõ; jogui ja` quí⁻ jmíi[~] cajo e nisíng⁻ røø` lí' jnea` jì' cóo[~]gui fí' lí' nuu. ¹⁵ Jogui ja` quí⁻ jmíi[~] cajo fa' Dsea` Jmáang⁻ nisíiñ` røø` cóo[~] fii[~] i 'líng[^], o'gui jaang` dsea` quiá⁻ Dsea` Jmáang⁻ fa' quí⁻ jmíi[~] e nijmér⁻ lajõ cóo[~] jaang` dsea` i ja` já⁻ líng[^] júu[^] quiá⁻ dsea` do. ¹⁶ Jogui ja` quí⁻ jmíi[~]

cajo fa' e røø` lí' e guá'- lí' jmiféng' dsea` Fidiéé`
 laco'gui e guá'- fí' lí' teáng` jaléng` diéé` dsea`
 cuu~. Dsaco' jneaa`aa', dsea` lí'naa' dsea` quiá'-
 Dsea` Jmáang-, lí'naa' lafa' guá'- quiá'- Fidiéé` i
 seeng` car` ngonghí` jmíí` lí'^ laco'gui cajíñ'- 'ñia'r'
 ie~ lami~ jééng'gui do ie~ lami~ cajíñ'- lala:
 Jo contøøm- niliseen- jogui ningíí- jee~ jaléng`
 dsea` quié-e.

Jogui jneab~ dsea` nilíin- n Fidiéé` quiá'r-
 jogui íb` dsea` nilíing- dsea` quié-e cajo.

17 Jo uí'~ e lajob lí', joba' cajíng'-gui Fidiéé` lala:
 Jmi'naang- yaang~na' jee~ jaléng` dsea` i ja` já'-
 líng` júu^ quié-e,
 jogui jmihuíng` yaang~na' quiá'r-.
 Jogui ja` quíng`na' jee~ jalé` e 'lí' e jmoo` jaléng` i
 dsea` do, jo lajoba' ni'íin'~ jnea` 'ná'.

18 Jogui jneab~ dsea` nilíin- n Tiquí'na',
 jogui 'náb' dsea` nilíing-na' jóo`o.
 Jo lanab fé` Fí'naa' Fidiéé` i quí'~ jmíí~ jmé` lí'^
 doñí' ee`.

7

1 Joba' fíí-í 'ná', dsea` rú'naa' i 'neáan`n eáang', e
 lanab lí' júu^ quiá'- Fidiéé` e nicacuø'r' jneaa`aa'
 e nijmitir~. Jo uí'~ e lajob lí' e júu^ jo, joba'
 'né- 'naam- yee~naa' jee~ jalé` e dseáang`~ ni'lé- fí'
 ngúu' táang`naa' jogui fí' jmíguí' qui-naa', co' lí'^ lí'
 'né- e nijáang`~ yee~naa' dseáang'- conguiá' fí' jaguó`
 Fidiéé` e laco' nijmó`naa' jmang` e guiá- uí'~ e
 jmi'goo-naa' dsea` do.

*Mi~ já'- calíng- dsea` Corinto júu^ quiá'- Dsea`
 Jmáang-*

2 Jo fñ̄-guñ̄ 'nú' e nijmi'neáang`na' jnea` e ngocáng` óó'na'. Ds̄uco' cóo' jiī jaang` dsea` fa' nicajmó`naa' e soo` ds̄i'naa', o'gui mí' ca'lee`naa' quiá'- jiī jaang` dsea', o'gui mí' jmigóøng`naa' dsea` cajo. 3 Jo ds̄u' ofa' éen`n 'nú' cóo' e júu` la, co' lí' lacó'gui la nicafñ̄-í 'nú' ie` lamí` jéeng`gui do e dseáng'- 'neáam`baa' 'nú' nañí' song see`naa' osi nijúu`naa' é. 4 Jogui dseáng'- lajiī e í' ds̄i'baa, e joba' fñ̄-í 'nú', jogui eáam' íáang` dsii- cóo' 'nú'. Jogui jee` jalé' iihuí' e dsingñ̄-n fí' la, eáam' jmi'íáang` dsii- jogui cuóø- bí' 'ñiá'a. 5 Jo lajiī- ie` lamí` cagüé`naa' fí' la fí' lí' se' Macedonia, ja` mí' caliseá' fí' qui`naa' fa' e nicajmi'íng`naa' cateá, ds̄uco' huñ̄g` eáang` cangojée' qui`naa' lacaang` lí' ngi'naa' uí' e seeng` jaléng` í' 'ní' ní- qui`naa' lacúng' lajín- lí' ngi'naa', jogui e 'gó'baa' cajo. 6 Jo ds̄u' Fidiée' í' jmití' dsí' jaléng' dsea' í' líng' fí'í, jo íb` dsea` nicajmití'r` dsí'naa' uí' e nicagüéng- í' dsea` rú'naa' dsea` quiá'- Dsea` Jmáang- í' sii' Tito. 7 Jo ds̄u' o' jiī e cagüéng- Tito fí' la e íáang` dsí'naa', co' lajob lí'naa' cajo uí' e eáam' íáang` dsí' í' Tito la ds̄uco' cajmi'íáang`na' dsí'r'. Jogui cajím'- biguir cajo e eáam' iing` 'nú' e nimáang`tu' jnea~, jogui cajím'- bir jalé' fí'í dsí' e jmoo`na' uí' jnea~ jogui cajo eáam' guing` óó'na' jnea~. Jo uí' e lajob jmoo`na', joba' cóo' e jo eáang`gui cali'íáang` dsii-.

8 Jo nañí' fa' e jì e casñ̄-n quí'na' do lamí` jéeng`gui cajmée` e calíng`na' fí'í, jo ds̄u' ja` jó' dsii- lana uí' e cajmé-e lajo. Jo cajo'` dsii- ds̄u' uí' e huóøm-jiu cajmee`na' fí'í cóo' jalé' e júu` e fé' e fí' ní' jì do. 9 Jo ds̄u' lanagui jmi'íáam` dsii-, ds̄u' o' uí' e calíng`na' fí'í, co' jmi'íáang`

dsii⁻ e la'eáang' cóo⁻ e calíng⁻na' e fi'í[^] dsíí' doba' e caquí⁻ jíng[^] yaang[~]na' fi' quini[~] Fidiée[~]. Dsaco[!] lí[^] laco[!] la tí' dsíí' Fidiée[~] cajmee[~]na' e fi'í[^] dsíí' e cangongíng⁻na' do, joba' jnea[^] ja` ee` ca'lee[~]naa' quíi⁻na' jíí[~] cóo⁻ cóo⁻ e júu[^] e casíi[~]naa' 'nú[^] do. ¹⁰ Dsaco[!] e lijjuung[~] dsíí' e íng[^] dsea[^] laco[!] la tí' dsíí' Fidiée[~] ja` se'r' dsee⁻ mi[~] dsingíiñ⁻ lajo, dsu[!] e jo íng[^] ta[~] e laco[!] níquí⁻ jíng[^] yaaiñ[~] fi' quini[~] dsea[^] do, jo lajoba' nileáiñ[~] jee[~] jalé[^] dsee⁻ quíá⁻r⁻, jo ja` jó[^] dsíir' jalé[^] e cangongíiñ⁻ do. Jo dsu[!] jaléng[^] dsea[^] i ja` cúing[^] Fidiée[~], mi[~] se'r' dsee⁻ dsu[!] uíi⁻ e íñ[^] jalé[^] fi'í[^] dsíí', joba' e jo jmoo[^] e 'naaiñ[~] conguaí' cóo⁻ Fidiée[~]. ¹¹ Jo quíe⁻na' cuente e eáam' guíú[^] nica'uíing⁻ quíi⁻na' cóo⁻ jalé[^] e fi'í[^] dsíí' e nicangongíng⁻na' do! Co[!] nica'íing[~]na' e jo lí[^] laco[!] la tí' dsíí' Fidiée[~]. Dsaco[!] e jo cajmée[^] e lajang[^] júu[^] ca'íi[^] óó[^]na' laco[!] catíng⁻ jogui e cajmi'óng[^] yaang[~]na', jogui e cajmi'óng[^]na' jnea[~], jogui cajmée[^] e caliguíng⁻na' uii[~] quíi⁻na', jogui cajmée[^]bi cajo e ca'í⁻ fò[^] quíi⁻na'. Jo mi[~] cangí jo, cali'íing[~] 'nú[^] e nimáang[~]tu' jnea[~], jogui ca'í[^] óó[^]na' e nicuó[^]na' iihuí[^] i dsea[^] i ca'ée[^] dsee⁻ do. Jo cóo⁻ jalé[^] e nicajmee[~]na' do nicajmiliing[~] yaang[~]na' e ja` ee` caquíng[^]na' jíí[~] cóo⁻ jee[~] jalé[^] e cangojée[^] do. ¹² Jo co[!] lajob líí', joba' mi[~] cajme[^]e e jì e casíi[^]n⁻ quíi⁻na' do, ja` ca'í[^] dsii⁻ uii[~] quíá⁻ i dsea[^] i ca'lee[^] do o'gui uii[~] quíá⁻ i dsea[^] i cangongíng⁻ ga[^] do, jo dsu[!] cajme[^]e e jì do e lí[^] laco[!] nilili[~] fi' quini[~] Fidiée[~] jial tíí' guíng[~] óó[^]na' uíi[~] quíi⁻naa'. ¹³ Jo uíi[~] e lajob jmoo[^]na', joba' nicalitíi[~] dsíi[^]naa'.

Jogui o[!] cóo⁻ jíí[~] e jo e nicalitíi[~] dsíi[^]naa', co[!] eáang'guib nicalí'iaang[^] dsíi[^]naa' dsu[!] e nicagüéng⁻

Tito fí' la e iáang` dsíir' dsu' uíi' e nicacuóø'~na'r bí' jogui e nica'ee~na' guiá'~ cóo'r'. ¹⁴ Jo nicafíib~ jnea~ Tito lami~ jéeng'gui e eáam' iáang` dsii~ cóo'~ 'nú'; joba' ja` lí' cøøng` ta~ cafi~ire lajo. Dsuo' dseáng'~ júu^ jáb'~ jalé' e nicasíi'~naa' 'nú' lí' laco'gui jii'~ júu^ e nicasíi'~naa' Tito cajo cuaiñ~ quiá'~ e eáam' iáang` dsii'~naa' uii'~ quií'na'. ¹⁵ Jo lana eáang'gui b iáang` dsíi' Tito uii'~ quií'na' dsu' uíi' e cajmee~na' núu'~na' júu^ quiá'r~, jogui e guiá'~ óo'ba' ca'íing'~na're mi~ caguiér'~ fí' na. ¹⁶ Jo jnea~ eáam' iáang` dsii~ dsu' uíi' e dseáng'~ tab~ dsii~ cóo'~ 'nú'.

8

Mi~ caseáng' cuu~ e licóo'~ dsea` quiá'~ Dsea` Jmáang~

¹ Jo lanagui, dsea` rú'naa' dsea` quiá'~ Dsea` Jmáang~, ii'naa' síi'~naa' 'nú' jial tíi' guiúng~ Fidiéé~ nicajméer` cóo'~ jaléng' dsea` quiá'r~ i neáang' fí' lí' se' Macedonia. ² Jo nañi' fa' eáang' nica'íng' jaléng' i dsea` do jalé' iihuí', dsu' dseáng'~ eáam' iáang` dsíir'. Jo nañi' fa' tiñim~bre eáang', jo dsu' e iáang` dsíi'bre nicaseáiñ' jalé' cuu~ e laco' nijmicóo'r' dsea` rúíñ', jo nicacuør' e jo lafa' eáang' sea` cuu~ quiá'r~. ³ Jo tíib' ni~ jnea~ e iáang` dsíib' i dsea` do caseáiñ' jalé' e cuu~ do lí' jie~ jii'~ e quií'r~ jmíi~, jo car' jii'~ lí'gui lajo nicaseáiñ'. ⁴ Jo i dsea` i seeng' fí' lí' se' Macedonia do, eáam' camí'r' jnea'~ jmí'ee~ e laco' nicuóø'naa' fí' e cuóøng' nijmicóo'r' jaléng' i dsea` quiá'~ Dsea` Jmáang~ i seeng' fí' Jerusalén. ⁵ Jo dsu' lí'gui b cajméer' jii'~ laco' lami~

í dsi`naa', co' jì`gui cajáng` yaaiñ` la'uii` e nijmitir` dseáng`- lajii` e iing` Fidiée`, jo mi` cangf jo, cajáng` yaaiñ` fí` quini`naa' e laco' nijmitir` lajii` e nisií`naa're e nijmér` lí` jialco' la tí` dsí` Fidiée`.
 6 Joba' nicamí`naa' Tito jmi`ee` e nisitíiñ` lajii` e nicaseáng` 'nú' e iáang` óó'na' lí` laco' jii` e nicanaaiñ` sitíiñ` ie` lamí` jéeng`gui do. 7 Jo jaléng` 'nú', la'eáng` cóo` Jmiguí` quiá`- Fidiée`, quií`na' jmí` jmée`na' doñí` ee` uii` e já` líng`na' júu` quiá`- Dsea` Jmáang`, jogui eáng` tting`na' fo`na' júu` quiá`- Fidiée`, jogui eáng` tting` ngáng`na' e júu` jo, jogui eáng` guia` áa'na' e jmicóo`na' jaléng` dsea` rúng`na', jogui eáng` 'neáng`na' jnea` lí` laco' jii` e calítng`na' qui`naa', jo lajoba' 'né` e eáng`gui nisáng`na' cóo` jalé` e seáng`na' do.

8 Jo dsu' ofa' quiá`- ta` 'nú' e dseáng`- lajo 'né` nijmée`na'; dsaco' lico' jnea` iin`n e nilíiñ` su dseáng`- lajang` júu` 'neáng` 'nú', dsea` rúng`na', e laco' nilíiñ` su guia` óó'na' e nijmicóo`na' dsea` rúng`na' lí` laco' jmóo` i dsea` caguiaang` do. 9 Jo guiáb` niñí` 'nú' e Fí`naa' Dsea` Jmáang`, uí` e eáng` guiúíñ` cóo` jneaa`aa', joba' mi` cagüéiñ` fí` jmigüi` la ca'uíiñ` jaang` dsea` tiñíng` uí` jneaa`aa', nañí` fa' jaang` dsea` i niing` eám`bre líiñ` fí` ñífi`. Jo cajméer` lajo e laco' la'eáng` e ca'uíiñ` jaang` dsea` tiñíng`, joba' jneaa`aa' ni`ling`naa' jalé` e jlo` e catí`naa'.

10 Jo e laco' ni'uíng` guiá` quií`na', joba' nifí`-i 'nú' lajii` e í` dsii` cuaiñ` quiá`- e júu` la. Co' jii` ie` mi` cajii`ba' canaang` 'nú' e caseáng`na' jalé` e cuu` jo, jo dseáng`- e ngocáng` óó`ba' ca-jmee`na' lajo. 11 Joba' lana jmité`na' cóo` lajii`-

e nicanaang-na' jmoo'na' do lí' laco' jíí' jialco' lí' dsitíng' quí-na'. Jøgui jmee'na' lajõ e íáng' áá'na' lí' laco' líng'na' ie' lamí' caí' ó'na' e canaang-na' cajmee'na' e jø. ¹² Dsũco' mí' jaang' dsea' dseáng' lajang' íáng' dsíir' e líng'go ee' iĩ' cuór-, joba' ím' Fidié' lají' e cuó' í dsea' do lí' laco' jíí' e dsitíng' quíá'r-, dsũco' ja' mí' Fidié' jalé' e ja' sea' quíá'- dsea'.

¹³ Jø dsũ' ja' iĩ'naa' e fa' uí' e 'nú' nijmicóo'na' jaléng' í dsea' rúng'na' do, jø lajee' jø 'nú' nimó'na' oo-. ¹⁴ Co' guíá-guí e nilísea' conrøø' quí-na' lajaang' lajaang'na'. Dsũco' lanagui seab' quí- 'nú' lají' e 'né' quíá'- í dsea' do. Jø dsũ' mí' cõõ' né' guí í dsea' íb' nilísea' quíá'r- lají' e 'né' quí- 'nú', jø lajoba' nilísea' conrøø' quí-na'. ¹⁵ Jø lí' laco' guí la fé' fí' ní' jì' quíá'- Fidié' lí' fé' lala: "Jø e caseáng' quíá'- í dsea' í casití' jmiguiá', o' guí cali' né' guí quíá'- í dsea' í casití' capí'."

Mí' cangó- Tito fí' Corinto

¹⁶ Jø cuóø-ø guí'máang' Fidié' uí' e cajméer' e Tito ca'í' dsíir' eáang' uí' quí-na' lí' laco' jíí' e í' dsí' jnea' cajo. ¹⁷ Jø ca'í' dsíir' e nijmér- lají' e ca'í' ire, jøgui cõ' eáam' guíng' dsíir' 'nú', joba' 'ña' bre ca'í' dsíir' e nidsér- e nidsí'éer' 'nú' fí' na.

¹⁸ Jø colíng' cóo' Tito, nisín'n fí' na jaang' dsea' rú'naa' dsea' quíá'- Dsea' Jmáang- í eáang' guíá' fé' jaléng' dsea' quíá'- Dsea' Jmáang- uí' quíá'- uí' cóo' jalé' e guíá' e nicajméer' lajee' e ngír' guíar' júu' quíá'- jial laang' dsea' jee' jalé' dsee' quíá'r-. ¹⁹ Jøgui cajo jaléng' dsea' quíá'- Dsea' Jmáam-bing' cagúng' í dsea' do e laco' ningír- cóo' jnea' jøgui e laco' nijmicóo'r-

jnea[^] e nidsicá[^]naa' jalé[^] e caseáng[^] do. Jo jalé[^] e jo jmoo⁻naa' e laco' jmi'goo⁻naa' Fíi'naa' Fidiée[~] jogui e laco' niní[^] dsea[^] jial tíí' e íáang[^] dsi[^]naa' e jmicóo[^]naa' dsea[^] rú[^]naa'. ²⁰ Jo ii[~]naa' e ja[^] nifé[^] dsea[^] ga[^] uii[~] quiá[^] jial néé' ni[^]naa' jalé[^] e cuu⁻ e seáang[^]naa' la. ²¹ Joba' jmi'úung[^]naa' e jmoo⁻naa' jmang[^] e guiá⁻, jo o' jíí[~] fí' quini[~] Fíi'naa' Fidiée[~] jmoo⁻naa' lajo, co' lajob jmoo⁻naa' cajo fí' quini[~] jaléng[^] dsea[^] jmigüí[^].

²² Jo colíing[~] cóo[^] i dsea[^] gáng⁻ na, nisín⁻n fí' na jaang[^]gui dsea[^] rú[^]naa' dsea[^] quiá[^] Dsea[^] Jmáang⁻ i eáang[^] nicajmili[~] e guiá[^] dsíir' e jmicóo[^]r[~] jaléng[^] dsea[^] rúíñ[^]. Jo dsu' lana eáang[^]gui nijmilir[~] e líiñ[^] lajo uíí[~] e nita[~] dsíir' cóo[^] 'nú[^]'. ²³ Jogui cuaiñ[~] quiá[^] Tito fíi⁻i 'nú[^]' e líiñ[^] jaang[^] dsea[^] rú[^]naa' i ngí[^] jmoo⁻ ta[~] colíing[~] cóo[^] jnea[~] e laco' nijmicóo[^]naa' 'nú[^]'. Jogui fíi⁻i 'nú[^]' cuaiñ[~] quiá[^] i dsea[^] quiá[^] Dsea[^] Jmáang⁻ i gáng⁻gui do e líiñ[^] dsea[^] i casíing[^] dsea[^] quiá[^] Dsea[^] Jmáang⁻ i seeng[^] fí' la jogui e eáam[^] jmiféiñ[^] Dsea[^] Jmáang⁻. ²⁴ Joba' fíi⁻i 'nú[^]' e jmi'neáang[^]na' i dsea[^] gaang[^] i sáing[^]naa' la, jo lajoba' nilita[~] dsíir' e sea[^] uíing[~] e jnea[^] eáang[^] íáang[^] dsi[^]naa' uíí[~] quíí⁻na'. Jo lajoba' niliñí[^] cajo jaléng[^] dsea[^] quiá[^] Dsea[^] Jmáang⁻ caguaang⁻gui e dseáng[^] lajang[^] júu[^] e 'neáang[^] 'nú[^]' i dsea[^] gaang[^] na.

9

Jial caseáng[^] jalé[^] e 'né⁻ dsea[^] quiá[^] Dsea[^] Jmáang⁻

¹ Jo lana, dsea[^] rú[^]naa' dsea[^] quiá[^] Dsea[^] Jmáang⁻, lín⁻n e jo[^] ngíí[~] lí[^] fa' 'né⁻ e nisíing[^]guíí[^] jí[^] quíí⁻na' cuaiñ[~] quiá[^] jalé[^] e 'né⁻ seáng[^] e quiá[^]

nilicóo~ i dsea` rú`naa' caguaang~ do i neáang' fí Jerusalén,² co' niñi'baa guiá^ e eáam' iáang` óó'na' e nijmée^na' lajō. Jōba' contøøng~ e iáang` dsii~ fí~ i jaléng` dsea` seeng` fí' lí~ se' Macedonia e jji~ ie~ cajii'ba' e iáang` óó' 'nú', dsea` seeng`na' fí' na fí' lí~ se' Acaya, e nijmicóo~na' jaléng` dsea` rúng`na' dsea` quiá'- Dsea` Jmáang~. Jō uíi~ e lajōb iáang` óó'na' e jmoo`na', jōba' lajōb iing~ nijmé~ cajo jaléng` i dsea` seeng` e fí' lí~ se' Macedonia do. ³ Jō dsu' lanagui lab nisín^n fí' na laji' gaang` i dsea` quiá'- Dsea` Jmáang~ la, jō lajōba' nilili' e dseáng'- já'- lajii~ júu^ e nicafá'-a uii~ quíi~na' cuaiñ~ quiá'- jalé' e seáang~na' do. Co' jnea~ iin~n e néeb' guiá~ quíi~na' lí'^ laco' nicafá'-a lamí~ jéeng'gui. ⁴ Jō lajōb 'né~ jmée^na', co' jial fíng song cangolíng~ cóo~ jnea~ fí' na tú~ 'ní' máng'~ dsea` i seeng` fí' Macedonia, jō ninír' e ja' mí' néé' guiá~ quíi~na'. Jō song lajōb lí' quíi~na', jōba' fi'ib^ nicá' jnea~ jóng uíi~ e eáang' nicajmíta~ dsí'naa' cóo~ 'nú'. Jō fá'-a e júu^ na e laco' ja' nifá'-a e 'núb' dsea` ni'íng'na' e fi'í' do. ⁵ Jō uiiing~ e lajōb, jōba' nica'f dsii~ e dseáng'- guíim` e jang'- nimíi~i i dsea` rú`naa' dsea` quiá'- Dsea` Jmáang~ la e jang'- nidsi'eer~ 'nú' la'uii~, jō lajōba' cuøøng` e nijmicóo'r~ 'nú' e niseáng' lajii~ e nicacuó^na' júu^ quíi~na' lamí~ jéeng' e niseáang~na'. Jō lajōba' niné~ guiá~ lajalé' e nicaseáang~na' do e iáang` óó'na', jō o' e 'mang'g` óó'na'.

⁶ Jōba' fíi~i 'nú', dsea` rú`naa', e téé' óó'na' e júu^ la: "I dsea` i ja' 'leáang~ mijú' jní', jōba' ja' 'leáang~ nisitíiñ' mí~ niró'. Jogui i dsea` i jní' jmiguiá' mijú', jōba' jmiguiab' nisitíiñ' mí~ niró'." ⁷ Jōba' lajaang` lajaam` dsea` 'né~ cuór~ lajii~ e nica'f dsíir

e nicuør-, jo ja` 'né- cuør- e jo e lijiuung~ dsír`
 osi e laguidseaang- é, dsuco' eám' 'neáng Fidié`
 jaléng` i dsea` i cuø' e íáng` dsíí. ⁸ Jo quíib~ Fidié`
 jmí~ jmér- e nidsijéé' guiú- quíi-na' e laco' nilisea`
 jmiguiú'gui jalé' e 'né-na'. Jo lajoba' nilisea`
 quíi-na' lalíng` jalé' e jo, jogui cajo niseám-bi e
 laco' cuøøng` nijmicóo~na' jaléng` dsea` rúng`na' i
 'né- quíá'- lajo. ⁹ Dsuco' lalab fé' fí' ni~ jì' quíá'-
 Fidié`:

Jo e íáng` dsíí'bre nicacuør'r` jaléng` dsea` tiñíng-,
 jogui jalé' e guiú- e cajméer-, dseáng'- ja` tóo` jmí~
 fa' e ni'íng-.

¹⁰ Jo Fidiéeb` dsea` cuør' jalé' e mijú` e jní' dsea`,
 jo íbi cajo i cuø' e laco' sea` jalé' e gø' dsea`.
 Jo íb` dsea` nicuø' 'ná' lajalé' e 'né- quíi-na' e
 laco' nijngá'na', jogui dsea` íb` cajo dsea` nijmér-
 e nidsicuáng`gui jalé' e ro'na' e laco' cuøøng` e
 jmícoo~na' e íáng` óó'na' jaléng` dsea` rúng`na'.

¹¹ Jo lajoba' nilisea` quíi-na' langíng- íng'~ jalé'
 e 'né-na' e laco' cuøøng` e eáng'gui nijmicóo~na'
 dsea` rúng`na' e íáng` óó'na'. Jo mí~ nijáa~naa'
 jaléng` dsea` rú'naa' dsea` quíá'- Dsea` Jmáang-
 jalé' e cuu- e nicaseáng~na' do, joba' eáng`
 nicuør-r` gui'máang~ Fidié`. ¹² Dsuco' lajii~ e
 nidsicá~naa' do e nicuøø~naa' i dsea` rú'naa' do
 o' jii~ lico' nijmicóo~naa'r` cóo~ jalé' e 'né-, co'
 lajob cajo, la'eáng' cóo~ jalé' e nicuøø~naa'r` do,
 nijmé- e eáng'gui nicuør-r` gui'máang~ Fidié`.

¹³ Jo jaléng` i dsea` i ni'íng` lajii~ e nicaseáng~na'
 do, eáng' nijmiféiñ' Fidié`, co' nilíí'r^ e dseáng'-
 jmoo` 'ná' núu~na' e júu^ quíá'- Dsea` Jmáang-
 e nijá'- calíng-na' do. Jogui lajobi i dsea` do
 cajo nijmi'góbre Fidié` uíi~ jalé' e íáng` óó'na'

e nɨcajmee˘na' guiéé˘ jee˘ ír` jɔgui jee˘ jaléng` i caguaang˘gui cajo. ¹⁴Jɔgui i dsea` do nimí˘biguir Fidiéé˘ uii˘ quíi˘na' car` ngocáng` dsíir' uíi˘ jalé` e eáang' guiá˘ e nɨcajmée˘ Fidiéé˘ cóo˘' 'nú'.

¹⁵Jɔ gui'máang˘ Fidiéé˘ uíi˘ quíá˘- e nɨcacuø'r˘ jneaa˘aa' e ja` cóøng` cóo˘'! Jɔ dseáng˘- ja` ne˘naa' e˘ cóo˘' júu˘ nífé˘'naa' cuaiñ˘ quíá˘- e jɔ!

10

Mi˘ cajmí'øng` 'ñia' Paa˘ quíá˘- jaléng` dsea` i 'nɨng` ír`

¹Jnea˘ Paa˘, jɔ lana mǎi˘ i 'nú' jmi'ee˘ la'eáang' cóo˘' Dsea` Jmáang˘, i dsea` i ja` jmiféng˘' 'ñia' jɔgui i eáang' guiúng˘. Jɔ seem` dsea` i fé˘ e mi˘ táang' jnea˘ jee˘ 'nú', líin˘n jaang` dsea` i ja` e júung˘, jɔgui mi˘ táan˘n lí huíi˘, líin˘n jaang` dsea` i teáb` dsíi' fé˘ júu˘ ii. ²Joba' mǎi˘ i 'nú' jmi'ee˘ e mi˘ niguiéé˘ e ni'ee˘ e 'nú' fí˘ na, ja` jmée˘na' jíi˘' cóo˘ e ja` dseeng` e laco˘' ja` nijmee˘ e ii júu˘ quíé˘- e cóo˘' jaléng˘' 'nú' lí˘ laco˘' í dsii˘ e nijmee˘ e cóo˘' i líing˘ 'nú' i 'nɨng` jnea˘ e jmoo˘naa' jalé˘ e jmoo˘naa' lí˘ laco˘' lí dsí˘naa' yee˘naa'. ³Jɔ e já˘- e líi˘naa' dsea` jmígüí, jɔ dsu˘ ja` jmáang˘naa' ta˘ jalé˘ e tíing` ngáng˘ dsea` jmígüí e laco˘' nilí˘naa' jaléng˘' i 'ní' níi˘ júu˘ quíá˘- Dsea` Jmáang˘. ⁴Cɔ' jnea˘ ja` jmáang˘naa' ta˘ jalé˘ e quí˘ tíing` dsea` jmígüí jmáiñ˘ ta˘ mi˘ 'ní' níing˘ rúíñ˘. Cɔ' jnea˘ jmáang˘naa' ta˘ bí˘ 'gøng˘' quíá˘- Fidiéé˘, cɔ' e joba' quíi˘ jmi˘ ni'íing˘ jalé˘ e jnɨng˘ quíá˘- júu˘ quíá˘- dsea` do, jɔgui cóo˘' e bí˘ 'gøng˘' ðoba' ni'íing˘naa' jalé˘ e 'nɨng` júu˘ quíá˘- Fidiéé˘, ⁵jɔgui cóo˘' e joba' ni'íing˘naa' cajo jalé˘ júu˘ róo˘- e ja` cuø' fí˘ e nilíñi˘ dsea` júu˘ quíá˘- dsea` do. Jɔgui

jalé' e í dsí' dsea`jmigüí, fí jaguó` Dsea`Jmáang`
 guia`naa' e jō e laco' nijmé` nūū` jalé' ta` quiū'
 dsea` do. ⁶ Jō mi` nijmoo` 'nú' nūū`na' laco' si'í`
 júu` quiá'- Dsea`Jmáang`, jō song lajee` jō seem`bi`i
 líng` 'nú' i ja`jmoo` lajō, joba' dseáng'- néeb` guiú`
 qui`naa' e nicuó'-naa' iihuí` jaléng` i dsea` í.

⁷ Jō 'nú', mi` ee`gō jōø`na', lico' jōø`na' jíi` laco'
 jnéeng`, dsu' ja` ca`na' cuente jial dseáng` líí. Jō
 song i líng` 'nú' ta` óo`na' e líng`na' dsea` quiá`-
 Dsea`Jmáang`, joba' 'né` ñi`ba' e dsea` quiá`- Dsea`
 Jmáam` líng` jnea`^ cajo. ⁸ Jō nañí` fa' cangí`bijiū e
 fé`naa' guiú` uii` quiá`- e ta` e oo`naa' jee` 'nú', jō
 dsu' ja` jmoo`o`i` lín`n` uíi` e nicajmé`e lajō. Dsūco'
 Dsea`Jmáam`bing' i nicacuø' jnea`^ e ta` e oo`naa'
 la e laco' nijmó`naa' e 'nú' teá`gui nisíng`na' cóo`
 júu` quiá'r`, jō o' laco' e niquíng`tu' tucang`na' fí
 lí` niteáng`na'. ⁹ Jō ja`iin`n e í` óo`na' e lico' fón`-n
 'nú' cóo`~ jalé' e jmo`o` fí` ni` jì` quié`-e. ¹⁰ Jō seem`
 i fé' e eáam' i` jōgui huí` jalé' júu` e tōo` fí` ni` jì`
 quié`-e, jō dsu' mi` táan`n jee` 'nú' fí` na, ja` ee` tíi`
 jíi` capí`^, jōgui ja` 'ga' lí` jmi`gó` dsea` jnea` mi`
 fá`-a. ¹¹ Dsu' jaléng` i dsea` i fé' lajō 'né` e ñi`bre
 e lí` laco' la líng` jnea`^ cóo`~ jalé' e fé'naa' fí` ni`
 jì` lajee` see`naa' huí`, dseáng`- lajob líi`naa' cajo
 cóo`~ jalé' e jmoo`naa' mi` niguiéé`naa' jee` 'nú' fí`
 na.

¹² Jō e jáb'- e ja` teá` dsí`naa' e nicøøng` yee`naa'
 conrøø` cóo`~ jaléng` i dsea` i jmoo` ta` jmicøøng`-
 yaang`. Co' iib` jmáng` yaang` jaléng` i dsea` i jmoo`
 ta` lajō mi` guiéeng` í' la'ó' yaaiñ` jōgui mi` cøøng`
 rúíñ` conrøø` quiá`- jial líiñ` lajaang` lajaaiñ`. ¹³ Jō
 dsu' jnea`^ ja` nijmijlōng`^ yee`naa' líi`gui jíi` laco'
 si'í` cóo`~ e ta` e oo`naa'. Dsūco' Fidiéé`bing' i quiū'

ta~ qui~naa' jie~ jii'~ li~ catii~naa' e nijmó^naa' ta~, jo jee~ jo quíng'~ 'nú', dsea` seeng`na' fí na fí Corinto. ¹⁴Jo uii' e lajob líí, joba' jnea'^ ja' cajmé~naa' ta~ li~ ja` catii~naa' ie~ lamí~ calisé`naa' jee~ 'nú' lamí~ jéeng`gui. Co' jneab~ dsea` la'uii~ i cangoca~ júu^ quiá'~ Dsea` Jmáang~ jee~ 'nú'. ¹⁵Jo jnea'^ ja' jmíráang^ yee~naa' cóo'~ jalé' ta~ e nicajmée` dsea` jiéng' e jmoo~naa' ta~ li~ ja` catii~naa'. Co' jnea'^ lí^ lí sijeeng`naa' e eáang`gui nijmó^naa' ta~ jee~ 'nú' e lí^ laco' ngóo' teá`gui síng'~na' cóo'~ júu^ quiá'~ Dsea` Jmáang~. Jo dsu' nijmó~naa' lajo jee~ 'nú' jie~ jii'~ li~ catii~baa'. ¹⁶Jogui jnea'^ sijeem`baa' cajo e niguiá^gui' júu^ quiá'~ jial laang` dsea` jee~ dsee~ quiá'r~ e fí lí huíi~gui eáang` laco' neáang` 'nú', jo dsu' ja` ii~naa' nijmó~naa' lajo fí lí ja` catii~naa'. Dsuo' jnea'^ ja` ii~naa' fa' nijmíráang~ yee~naa' cóo'~ jalé' ta~ e nicajmée` dsea` jiéng'.

¹⁷Jogui song seeng` dsea` i iing~ jmiféng' 'ñia', joba' guiá~gui e güijmifém'bre Fii'naa' Fidié~. ¹⁸Dsuo' i dsea` i fé' Fidié~ guiá~ uii~ quiá'~, i dsea` íbing' i catíng~ nili'goo', jo o' i dsea` i lico' fé' guiá~ uii~ quiá'r~ 'ñia'r'.

11

'Né~ ñiing~ dsí' dsea` cóo'~ jaléng' dsea` i jmigóo'

¹Jo lana ne~duu' su nité' 'nú' e féng' áa'na' song líí júu^ íí jalé' e nifá'~a la! Jo dseáng'~ jmee~ba' té'na' cóo'~ jnea~ jialco' jii'~ e cuóøng. ²Jo jnea~ íí'baa' goo'quí'~na' e jie' mí~ jmee'na' jalé' e ga. Co' 'nú' líng'na' lafa' jaang` simí' i ja' ee' sí'ling'^, joba' nicacuóø~ jnea~ 'nú' júu^ quié'~e e nijéen~n 'nú' e lafa' nicúung'~na' guóo'na' dseáng'~ cóo'~ jaam`

dseañu^h, jo ì dseañu^h î, íb` Dsea` Jmáang⁻. ³ Jo dsu^h jnea⁻ 'gó`baa e niligøøng` 'nú^h` cóo^h~ jalé^h e í` óó`na', jo jalé^h e jo nijmé⁻ e ni`náng`na' e jmiféng`na' Dsea` Jmáang⁻ e guiá⁻ óó`na' jogui e ngocáng` óó`na' lí^h laco^h calí⁻ ì mi^h do cajmigøøng`ne' Eva ie~ mali^h do. ⁴ Co^h 'nú^h` jmoo`ba' té^hna' e iáang` óó`na' cóo^h~ lí^h doñí` ìi` dsea` ì guiéé` fé^h júu^h quiá⁻ ì jiéng`gui laco^h Jesús lí^h laco^h e júu^h e nicaguiá^h jnea^h jee⁻ 'nú^h'; jogui e guiá⁻ óó`ba' íing^hna' jmiguí^h e jié^h lí^h laco^h e Jmiguí^h quiá⁻ Fidiéé^h e nica`íing^hna' do; jogui íing^hna' cajo júu^h e jié^hgui quiá⁻ jial laang` dsea` jee⁻ jalé^h dsee⁻ quiá⁻r⁻ lí^h laco^hgui e nica`íing^hna' do. ⁵ Jo dsu^h jnea⁻ ja` í` dsii⁻ fa' e uøng`guí laco^h ì dsea` ì jíng^h e líiñ^h dsea` cøøng^h ì sñing` Dsea` Jmáang⁻ cuaiñ^h quiá⁻r⁻ cóo^h ì güitáang⁻ 'nú^h do. ⁶ Jo nañí` fa' jnea⁻ ja` tñn`n fá⁻ a júu^h jlo^h mi^h guiaa⁻ júu^h quiá⁻ Fidiéé^h, jo dsu^h ja` lñn`n lajo cóo^h~ jalé^h e tñn⁻ ngán`n. Jo 'núb^h` dsea` nicañí^hna' e lajob lí^hnaa' cóo^h~ jalé^h e nicajmé⁻naa' jee⁻ 'nú^h.

⁷ Jo ja` í` áa`na' e cajmé⁻ e ga` dsu^h uí^h e ja` cacá`a jí^h ca^hí^h ie~ lami^h caguiá`a jee⁻ 'nú^h e júu^h quiá⁻ jial laang` dsea` jee⁻ jalé^h dsee⁻ quiá⁻r⁻, co^h ie~ jo, jnea⁻ cajgiaang⁻ 'ñiá`a fí` quini`na' e laco^h 'nú^h casáng`na' yú^hgui. ⁸ Co^h jnea⁻ nica`íin^h cuu⁻ e nicacuø` dsea` quiá⁻ Dsea` Jmáang⁻ ì seeng` fí` lí` jié^h e laco^h sea` e jmáan^h ta^h lajee^h e jmoo` ta^h fí` quini`na'. ⁹ Jo lajee^h e cataan^h jee⁻ 'nú^h líim^h ee` cali`né⁻e, jo dsu^h jí^h jaang` 'nú^h líing^h ee` camí^hí, co^h mi^h cagüilíing⁻ jaléng^h dsea` rú^hnaa' dsea` quiá⁻ Dsea` Jmáang⁻ ì seeng` fí` lí` se^h Macedonia, í`bing^h ì cacuø^h jnea⁻ jalé^h e 'né⁻e. Dsuco^h jnea⁻ cajmé⁻ e úung` e ja` ee` camí^hí` 'nú^h e 'né⁻e,

jogui dseáng'~ lajob nijmee~gu#i cajo e jii'~ coo` ja` ee` nim#i'~i 'nú'. 10 Jo uí'~ e dseáng'~ eám' nita` dsii` e cuí'baa jalé' júu^ quiá'~ Dsea` Jmáang~, joba' jii'~ jaang` dsea` i seeng` fí latøng` lí se' Acaya cuøng` lí jniñ` quié` e e eáang` íaang` dsí' dsu' uí'~ e ja` mí cam#i'~i 'nú' jalé' e 'né`-e. 11 Jo ¿jiali' fá'~a lala líng` 'nú'? ¿Su e í áána' e ja` 'neáan`n 'nú'? ;U~, dseáng'~ o' lajo! ;Co' ñib Fidié` e eám' 'neáang` jnea` 'nú'!

12 Jo dseáng'~ mí 'noo`bi nijmee`e jii'~ laco' jmóo`o jee` 'nú', jo lajoba' ja` nicuøøø fí jaléng` i dsea` i ngí 'nó' uing` jial e nijmi'íaang` dsí' jii'~ laco' e íaang` dsí' jnea'`. 13 Co' jaléng` i dsea` í lico' ngír' jmóor` ta` jmigøøng` dseab`, dsuco' ngír' fé'r` e líiñ` dsea` i casíng` Dsea` Jmáang` cuaiñ` quiá'~, jo dsu' o' já'~ e líiñ` lajo.

14 Jo dsu' ja` dsigá` dsí'naa' e jmóor` lajo, dsuco' 'ña' fii` i 'líng' i sii` Satanás cajo, jmáng' 'ña'r` e líiñ` lafa' jaang` ángel i jing` i casíng` Fidié`. 15 Jo ja` 'né` fa' e nidsi'gá` dsí'naa' cajo, co' lajob líng` jaléng` i dsea` i jmoo` ta` quiá'~ fii` i 'líng'`; co' jaléng` i dsea` í jmáng' yaaiñ` e líiñ` dsea` guiúng`. Jo dsu' niguiéeb' jm#i` mí ni'íñ` iihu#i` lí' laco'gui catíng` cóo'~ jalé' e jmóor` do.

Jalé' iihu#i' e cangong`ing` Paa`

16 Jo fii`~túu 'nú' calé' catú` e jii'~ jaang` 'nú' ni'í` áána' e jnea` ja` røø` lí'~i; jo dsu' song lajobi í áána' e lín`n, joba' cuøø`~na' jnea` fí e niføn'`n 'nú' laco'gui fé' jaang` dsea` i líng` lajo, jo lajoba' cuøøng` e nijmee` jnea` e ráan`n capí'`. 17 Jo dsu' e jmíráang`jiu 'ña'`a la jmóo`o lajo e lafa' ja` røø` lí'`baa jo dsu' o' laco' ta` qui#i' Fí'naa' Dsea`

Jmáang⁻ e nijmee[~]e. ¹⁸ Ds_{uc}o' fím' dsea` seeiñ` e jmiráang⁻ yaaiñ[~] cóo' jalé' e tiiñ` ngáiñ` fí jmigüi' la, joba' lajob nijmiráang[^] 'ñiá' jnea[~] cajo. ¹⁹ Jo e jáb' e eáang' jmí' 'nú', jo dsu' jmoo`ba' té'na' e iáang` óo'na' cóo' jaléng' i dsea` i ja` røø` lí[^], ²⁰ jogui jmoo`ba' té'na' cajo cóo' jaléng' i dsea` i quiu' 'nú' ta[~] e nijmee[^]na' ta[~] fí quinir[~], osi e jmi'í'r⁻ jalé' e sea` quií' na', osi e jmigøøiñ` 'nú', osi e ja` jí'r⁻ 'nú', osi e jmáiñ` 'nú' ga` é. ²¹ Jo dsu' í' lím⁻baa e nifí[^] i 'nú' e jnea[^] ja` caliseá` bí quií'naa' fa' cajmó[^]naa' lajo cóo' 'nú'.

Jo song i dsea` i caguaiang⁻gui do teáb` dsír' e jmiráang⁻ yaaiñ[~], joba' teáb` dsi' jnea[~] e nijmee[~]e lajo cajo, nañí' fa' fá' a la fé' jaang` dsea` i ja` røø` lí[^]. ²² Co' jmiráang⁻ yaang[~] i dsea` í' dsu' uí' e líiñ` dsea` hebreo, jo dsu' lajob líng' jnea[~] cajo; jogui jmiráang⁻ yaaiñ[~] dsu' uí' e líiñ` dsea` Israel, jo dsu' lajob líng' jnea[~] cajo; jogui jmiráang⁻ yaaiñ[~] dsu' uí' e líiñ` siju` 'lí' yúu[~] Abraham, jo dsu' lajob líng' jnea[~] cajo. ²³ Jogui i dsea` í' jmiráang⁻ yaaiñ[~] e jmóor` ta[~] e nicangíiñ⁻ quiá' Dsea` Jmáang⁻, jo dsu' jnea[~]gui eáang'gui jmóo`o e ta[~] e nicangín`n quiá' Dsea` Jmáang⁻ laco'gui i dsea` í'; jo dsu' fá' a lana lafa' fé' jaang` dsea` i ja` røø` lí[^]. Ds_{uc}o' jnea[~] eáang'gui nicajmé⁻ e e ta[~] jo laco'gui i dsea` í', jogui jmigui^ugui ya' nicajníng' dsea` jnea[~] fí dsí' 'nuñí' laco'gui i dsea` í', jogui eáang'gui nicabøøng⁻ dsea` jnea[~] laco'gui i dsea` í', jogui cajo jmigui^ugui ya' jiu[~] ja` mí' cajún⁻n. ²⁴ Jo lajee[~] 'ñiá' néé[~] cabøøng⁻ dsea` judío jnea[~] guigui' dsí' ñá' ya' cóo' 'nii'. ²⁵ Jogui 'ní' ya' cabøøiñ⁻ jnea[~] cóo' sii⁻, jogui coo` ya' casi'ló'r` jnea[~] cuu[~]. Jogui 'ní' ya' cango'ang'

móo' fí lí~ iuun-, jogui cōo` ya' cangongin~n e cajáa`a fí ni~ jmiñí' lajee` cōo` jmiñ` jogui cōo` uóø. ²⁶ Jogui eáam' nicajmé- e ta~ ngí, jogui eáam' nicalidseáng' seen- mi~ cuóo'~o jalé' gua` jogui mi~ jín'n jaléng' ñ` jogui mi~ seen- jee~ jaléng' dsea` góo'ó cōo'~gui mi~ seen- jee~ jaléng' dsea` i ja` líng' lajo. Jogui lajobi nicalidseáng' seen- fí lacaang` góo` dsea` cōo'~gui lacaang` jee~ mó' jogui lacaang` fí ni~ jmiñí'^. Jogui nicalidseám'~bi seen- cajo fí jee~ jaléng' dsea` i jmicaang~ e líiñ' dsea` quiá'- Dsea` Jmáang-. ²⁷ Jo eáang' nicajmé- e ta~ ii, jogui huíng' nicangojée' quié- e, jogui jmiguiab' ya' ja` mí caliseá' fí quié- e fa' e güin- laco' sí'í, jogui nicamó- baa oo- cōo'~ jalé' e gó'ø jogui cōo'~ jalé' jmiñ` e gú'u, jogui jmiguiab' ya' nicajáa`a e ja` mí cagó'ø ii-, jogui nicangongim- baa iihuí' mi~ tí jii` güí-, jogui nicangongim- baa iihuí' cajo uí'~ e ja` sea` sí'í. ²⁸ Jo o' cōo'~ jii'~ e na eáang' huíng' nicangojée' quié- e, cō' eáang' huíng' dsijée' quié- e lacoø` jmiñ` uii~ e guing~ dsii- jial seeng` lajaléng' dsea` quiá'- Dsea` Jmáang-. ²⁹ Jo song i líng~ dsea` quiá'- Dsea` Jmáang- ja` quí'r~ jmiñ` cōo'~ e ta~ e nicangíiñ` quiá'- Fidiée~, joba' lafa' lajob líng' jnea~ cajo. Jogui song i líng~ i dsea` la'í cajméer` e catóng' jaang`gui dsea` rúíñ' fí ni~ dsee-, joba' eáam' niligúin-n. ³⁰ Jo song seab` uiing~ e nijmiráang- 'ñiá'a, joba' lajob nijmee~ e cōo'~ jalé' e cuø' lí- e ja` quí'~ i jmiñ` jmóo'o. ³¹ Jo Fidiée~, i líng' Tiquiá'^ Fí'naa' Dsea` Jmáang-, í'bing' i catíng- nijmiféng'naa' car` ngongíi` jmiñ~, jogui dsea` íb` dsea` niñí' røø` cajo e jmang'^ júu` já'~ba' nicafá'- a. ³² Jo ie~ mi~ cataan~n fí Damasco, i dseata~ i quiu'

ta~ fi' jo i jmoo` ta~ quiá'- dseata~ dsea` féng' i sii` Aretas do, casíñ' 'léé~ quiá'r~ fi' tñ~ jñ^ e li~ si' iá` cuu~ e si' lacúng' e fiñ` do e laco' ja` nicuør~ fi' e nijúu`u, co' lami~ iññ~ e nisáñ' jnea~ jo nitøør` jnea~ fi' dsíí' 'nuñí'. ³³ Jo dsu' calisémm` dsea` i cajgiáang~ jnea~ fi' dse" e iá` cuu~ quiá'- e fiñ` do e iuun~ fi' coo` dsíí' 'matá^, jo lajoba' calí'-i e caláan~n fi' jaguó` i dseata~ do.

12

Jalé` e cangá~ Paa~

¹ Jo nañí' fa' jii~ coo` ja` ee` lí'-i dsu' uíi~ e jmiráang^ 'ñiá'a, jo dsu' lanagui 'né~ba' e nifñ~i 'ná' jalé' e nicamó~o lafa' mi~ quii~ jogui jalé' e nica'íin~n e ja` mi' cajmijnéeng` Fidiéé` jééng`gui. ² Co' jnea~ cuim`baa jaang` dseañu' i líng` dsea` quiá'- Dsea` Jmaang~, jogui lana níngóó` guiquiá' jii` mi~ cajéeng` Fidiéé` ír` cateá' fi' lí` catí' 'ní' yú'^ jmiguí. Jo dsu' ja` ñii~ si cangó~ i dsea` do cóo'` ngúú` táaiñ` osi lajii~ jmiguí quiá'-bre é, co' dseáng'- lajii~ Fidiéé`bing' i ñí' jalé' e jo. ³⁻⁴ Jo dsu' ñib` jnea~ e i dseañu' do cangó~ fi' ñiff~, jo fi' jo canúur~ júu^ e dseáng'- jii~ ja` ñí' dsea` jial nifé'r` uíi~ e jlo'^ eáang', jogui e jii~ jaang` dsea` jmiguí sea` fi' quiá'r~ fa' e nifé'r` lajo; jo lifa' doba' ja` ñii~ su cangó~ i dsea` do cóo'` ngúú` táaiñ` osi jii~ cóo'` jmiguí quiá'-bre é, co' dseáng'- lajii~ 'ñiab' Fidiéé` ñir' e jo. ⁵ Jo jnea~ cuøøm` lí' jmiráang^ 'ñiá'a uii~ quiá'- jaang` i dsea` la'í, jo dsu' o' nijmiráang^ 'ñiá'a uii~ quié~ e 'ñiá'a, lifa' nijmiráam^ 'ñiá'a jii~ quiá'- e ja` quíi~i jmiñ~ jmee~. ⁶ Jo nañí' fa' iim~baa e nijmiráang^ 'ñiá'a, jo dsu' song jmoó~o lajo, ofa'

e lín'n jaang` dsea` i ja` røø` lí^, dsucø' júu^ já` lí' jalé" e fá`-a na. Jo dsu' ja` iin~n e ní'~ dsí' dsea` e niing~guí jii~ laco' e jnéen~n osi laco' jii~ e jmóo`o osi jii~ laco' e fá`-a é. ⁷ Jo dsu' e laco' ja` ní'~ dsii~ e niing~guí laco' jii~ e lín'n lana dsu' uí'~ e ca'iin~n quiá'- Fidié' jalé" e jlo'^ e ja` mí cajmijnéeiñ` jéeng'gui, joba' canghñ`n coo` iihuí' e lí' lafa' coo` tóo' e ca'ién~n, jo e jo lí' lafa' coo` e jmáng' ta~ fii~ i 'ling'^ i sii` Satanás e jmáiñ` jnea~ ga. ⁸ Jo 'ní' nées~ nicamí'~ i Fí'naa' Dsea` Jmáang~ e nijé'r~ e iihuí' do quié~e, ⁹ jo dsu' ír' nicasír~ jnea~ lala: "Lajii~ e guiún~n cóo'~ 'nub'a' e 'né` quií', co' la'eáang' cóo'~ jaléng'" i dsea` i ja` quií~ jmí~ yaang~ cóo'~ jalé" e jmóo` eáang'gui jnéeng~ jial tí' 'gøñ'n." Jo uí'~ e lajob lí', joba' jmi'íáam` dsii~ cóo'~ jalé" e ja` quí'~ i jmí~ jmee~ e 'ñiá'a, co' la'eáang' cóo'~ e joba' jmili~ Dsea` Jmáang~ jial tí' 'gøñ'". ¹⁰ Jogui jmi'íáam` dsii~ cajo uí'~ quiá'- jalé" e ja` quí'~ i jmí~ jmee~ e 'ñiá'a do, jogui lajob lín'n cajo mí jmineang'^ dsea` jnea~, jogui mí ja` 'ga' lí' sea` jalé" e 'né~e, jogui mí jmáng' dsea` jnea~ ga, jogui mí dsijéé' huíng' quié~e; jo dsu' lí'íáang` dsii~ mí dsinghñ`n jalé" e na dsu' uí'~ e lín'n dsea` quiá'- Dsea` Jmáang~, dsucø' mí lí'^i e eáang'gui ja` quí'~ jmí~ jmee~ 'ñiá'a, joba' eáang'gui quí'~ i jmí~ e jmóo`o.

Eáang' guíng~ dsí' Paa` jaléng" dsea` i seeng' fi` Corinto

¹¹ Jo jnea~ lafa' jaang` dsea` i ja` røø` lí^ lín'n uí'~ cóo'~ jalé" e nicafá'-a na uii~ quié~e; jo dsu' 'náb' dsea` nicacuøø'~na' jnea~ 'goo` e nicafá'-a lana. Co' 'nú' dsea` catíng~na' e nifo'^na' guiá~ uii~

quíe-e. Jo nañí fa' ja 'ga' lí~ niim-bi jnea~, dsu' ja' uóng-guñ laco' i dsea' caguaiang-gui i güitáng- 'nú' cóo' do i ngí fé' e líiñ' dsea' cóong' i casíng' Dsea' Jmáang- cuaiñ quiá'r-. ¹² Jo 'núb' dsea' tíí ní'na' e lajee' e nicataan~n jee' 'nú', dseáng'- lajang' júu^ lím'baa jaang' dsea' i casíng' Dsea' Jmáang- cuaiñ quiá'r-, co' nicajmé-baa té'e cóo' jalé' ihuñ' e dsingín-n. Jogui cuø lí~ cajo e lím'baa jaang' dsea' la'í uii~ cóo' jalé' e lí~ e quí' i jmi~ e dsigá dsí' dsea' e nicajmé- e la'eáng' cóo' bí 'gøng' quiá'- Fidié'. ¹³ Jo dsu' ofa' cajmi'uóng-guñ 'nú' uí' e ja' ee' camí' i 'nú' fa' e nijmicóo'na' jnea~ lí^ laco'gui nicajmé- e cóo' jaléng' dsea' quiá'- Dsea' Jmáang- i seeng' fí lí~ jíé'. Joba' féng' óo'na' uii~ quié-e fíng song uí' e joba' cajmiquíng' óo'na'.

¹⁴ Jogui lanagui ninéeb' guiá- quié-e e ní'ée~túu 'nú' e catí 'ní ya', jo dsu' o'gui lana nimí' i 'nú' jalé' e 'né-e. Dsaco' ja' 'nó' jnea~ jalé' e sea' quí' 'nú', dsaco' jí' 'nú'bing' i 'nán'n. Co' 'núb' dsea' líng'na' lafa' jóo, cofa' jaléng' tiquiá'^ dsea' 'né- to' fím'bre jiuung~ quiá'r-, jo o' i jiuung~ quiá'r- do 'né- to' fíng' tiquiá'r'. ¹⁵ Jo jnea~ e guiá- dsí'baa nijmeáan~n ta~ jalé' e sea' quié-e, jo jí'gui cartí 'ñiá'a nijmeáan~n 'ñiá'a lajo e laco' ni'uíng- guiá- quí-na'; jo dsu' laco' ngóo' e eáang'gui lí'neáan'n 'nú', 'nú' lí^ riquí' jmoona' cóo' jnea~, co' jiu'gui 'neáang'na' jnea~ laco' ya'.

¹⁶ Jo e jáb'- e lajee' e cataang~ jnea~ cóo' 'nú' fí na, jí' cóo' ja' ee' camí' i 'nú' e 'né-e, jo dsu' seem' i líng' 'nú' i fé' e lico' cajmé- e e caligóm'ba' e jí' ja' calilí'na' lajo. ¹⁷ Jo dseáng'- ja' mí' cajmigøng'

jnea` 'nú` cóo` i dsea` i nicasín`n i nicango`ee` 'nú` fí` na. ¹⁸ Jo camí`i Tito jmi`ee` e nidsi`éer` 'nú` fí` na, jo colíng` cóo` ír` casín`n i jaang`gui dsea` rú`naa` dsea` quiá`- Dsea` Jmáang`. Jo i Tito do dseáng`- ja` cajmigóom`bre 'nú` mi` caguiér` fí` na; jo dseáng`- e jáb`- cajo e lajì` huóo`-baa` røø` nica`ee`-naa`, co` conrøøb` í` dsi`naa`.

¹⁹ Jo jangám` ni`í` áa`na` cóo` jalé` e júu` la e jmi`øng` yee`-naa` fí` quini`na`, jo dsu` dseáng`- o` lajo, co` jnea` lí` lí` fé`-naa` fí` quini` Fidiée` jalé` e júu` na jogui uíi` e lí`naa` dsea` quiá`- Dsea` Jmáang` cajo. Jo jalé` e júu` e síi`-naa` 'nú`, dsea` rú`naa` i 'neáan` eéang`, e lí` laco` nidsicuáng`gui quii`-na` cóo` júu` quiá`- Dsea` Jmáang`. ²⁰ Jo fá`-a jalé` e júu` na, co` 'gób`jiu e mi` niguiée`e e ni`ee`e 'nú` fí` na, ja` niguién`n 'nú` jii` laco` iin`n e líng`na`, jogui 'nú` cajo ja` nimáang`na` jnea` jii` laco` e í` óo`na` e lín`n. Co` 'gób`jiu e jmoo`na` ta` jíng` jogui ta` dsihuíng` quiá`- rúng` jogui ta` guíng` quiá`- rúng` jogui ta` guíng` dsíi` jii` cuaiñ` quii`-na` yaang`na`, jogui e ngi`na` ta` quie` jalé` adsee`, jogui e éeng`na` dsea` rúng`na`, jogui e jmiráang` yaang`na`, jogui cajo e 'lee`-na` quiá`- dsea` rúng`na`. ²¹ Jogui 'gób`hi cajo e mi` niguiée`e e ni`ee`e 'nú` fí` na calé` catú`, Fidiée` nijmér` e nilí` i` lín`n uii` quii`-na`, jogui nijmér` cajo e nilín`n fi`í` car` niqui`i` uii` quiá`- i` fíng` 'nú` cóo` jalé` e dsee` e ñilíng`-na` ee`-na` mali` eéang`, co` ja` mí` catúu`bi` e jmoo`na` jalé` e 'lí` e lí` dsíi` ngúu` táang`na` o`gui mí` catúu`na` e jmoo`na` jalé` e ja` catíng`- dsea` jmóor` cóo` ngúu` táaiñ` cóo` lí` doñi` ii` dsea`, jogui cajo dseáng`- ja` mí` catúu`bi` e

jmoo`na' jalé' e 'lí' lana lí' laco' quí' t́ng`na' e
jmoo`na' latí' jmí~ na.

13

Júu`#`'goo`lí`cadséng`quíá`-Paa`

¹ Jo nití' 'ní' ya' e ní'ee`e 'nú' mí~ niguiéé'e fí' na fí' Corinto. Jo fí' ní' jì' quiá'- Fidiéé' fé' e 'neáng- gáng- osi f́ng'gui dsea' i tí' ní' e laco' cuóøng` ní'í' í' mí~ ee'go ga' jmoo`dsea'. ² Jo ie~ mí~ cataan`n cóo'~ 'nú' fí' na e catí' tú- ya', ca'í'-baa 'goo' quiá'- jaléng' i nica'léé' lami~ jééng'gui, jo co' lanagui huím- táan`n laco' seeng`na', joba' í'túu 'goo' quiá'- jaléng' í' jøgui quiá'- jaléng' dsea' caguaiang- gui cajo, e mí~ niguiéé'túu fí' na, dseáng'- ngóo' e guiab' dsii- e nicuóø`ø iihuí' laco' catíng- lajaléng' í', jo dseáng'- ja' nijmee`baa féng' dsii-. ³ Jo dsu' uíi'~ e 'nú' iing`na' ní'na' røø' e su já' e fé' Dsea` Jmáang- la'eáang' jnea~, joba' dseáng'- ní'ée`baa 'nú' e lajob lí'. Jo Dsea` Jmáam- ja' ua~ líií' cóo'~ jalé' e jmóor`jee~ 'nú', co' jmijnéem`bre jial tí' 'gøiñ'. ⁴ Jo e jáb'- e jaang`dsea` jmigüi i ua~ líng' Dsea` Jmáang- ie~ mí~ cajúíiñ- fí' dse' crúu^, jo dsu' seeiñ` la'eáang' cóo'~ bí' 'gøng' quiá'- Fidiéé'. Jøgui e já'-bí' cajo e jnea'^ lí'naa' dsea` jmigüi i ua~ lí' laco' lami~ líng' ír, jo dsu' jnea'^ nilisee`naa' cóo'~ 'nú' fí' na la'eáang' cóo'~ bí' 'gøng' quiá'- Fidiéé' lí' laco'gui la seeng`Dsea` Jmáang` 'ñia'r' e laco' cuóøng' e nijmó`naa' ta' fí' quini`na'.

⁵ Jøgui lana, dsea` rú'naa', fíi- 'nú' e nijáang'- yaang`na' su dseáng'- lajang'^ júu` teá' teáang`na' cóo'~ júu` quiá'- Dsea` Jmáang-, jøgui e nijóø`na'

cajo jial í óóna'. Jøgui cajo niñí'baa e cøøm` seeng` Dsea` Jmáang` cõo`~ 'nú', jø song ja` lí' lajo, joba' dseáng`- nicalitúng`- óóna' lajii`~ e fí' guiú`- lí` niteáang`-na' cõo`~ júu` quiá`- dsea` do. ⁶ Jøgui dseáng`- nitab` dsii`- e jáb`- líng` 'nú' e dseáng`- ja` mí' calitúng`- dsì` jnea`^ lajii`~ e fí' guiú`- lí` nitée`-naa' cõo`~ dsea` do. ⁷ Jøba' jnea`^ máh`-naa' Fidiée` uii` quí`-na' e lí`^ laco' ja` nijmée`-na' jii`~ cõo` e ga`. Jø dsu' jnea`^ ja` jmoo`-naa' lajo e lí`^ laco' nijmilí`-naa' fí' quini` dsea` rú`-naa' e nicateá`- lí`-naa' lajii`~ fí' guiú`- lí` nitée`-naa' cõo`~ Dsea` Jmáang`, cõ' jnea`^ máh`-naa' Fidiée` e lí`^ laco' 'nú' nijmée`-na' jmang`^ e guiú`, nañí' fa' jnéeng`-naa' e lí`-naa' dsea` i nicalitúng`- dsí' lajii`~ fí' guiú`- lí` nitée`-naa'. ⁸ Dsucõ' jnea`^ catí`-naa' e nijmó`-naa' dseáng`- jii`~ laco' fé' júu` quiá`- Dsea` Jmáang`, cõ' ja` catíng`- fa' e nijmó`-naa' jalé' e jié' jii`~ laco' la fé' e júu` jø. ⁹ Jøba' jnea`^ eáang` íáang` dsí`-naa' mí` ja` 'ga' lí' quí`-naa' jmí` cõo`~ jalé' e jmoo`-naa', jø dsu' lajee` jø teáb` teáang`- 'nú' lajii`~ fí' guiú`- lí` niteáang`-na' cõo`~ Dsea` Jmáang`. Jøgui cajo dseáng`- mí' 'noo`bi nimí`-naa' Fidiée` e laco' nisíng`-tu' teá' fí' guiú`- cõo`~ dsea` do. ¹⁰ Jø uí`~ e lajõb` lí', joba' jmo`o e jì' la quí`-na' nú`-gui e nini`i e ni'ee` e 'nú' fí' na e laco' mí` niguiée` e fí' na, ja` ngí`~ lí' fa' 'né' e nijmeáan`-n ta` e ta` e oo`- la e nicangín`-n quiá`- Dsea` Jmáang` e laco' ni`í`i 'goo` quí`-na' dseáng`- lahuíng`. Dsucõ' Dsea` Jmáang`- nicacuø`r' jnea`~ e ta` e oo`- la e laco' nijmee`~ e 'nú' teá'gui nisíng`-na' fí' guiú`- cõo`r` jø o' e laco' niqing`^tu' tucang`-na' e fí' lí` niteáang`-na'.

¹¹ Jø lí` ngóo' cadséng`, dsea` rú`-naa' dsea`

quíá'⁻ Dsea` Jmáang⁻, iin~n e seeng`na' e iáang`
 óo'ba', jogui jmi'úung`na' e laco' nisíng'⁻tu' teá`
 e fí' guiá⁻ cóo'⁻ Dsea` Jmáang⁻, jogui cuøø'⁻ bí
 rúng`na', jogui røø` siing`na' lajaléng`na', jogui
 güiliseem`ba' juguiá⁻ júu^ røø` conrøø` laj#ng`na'.
 Jo lajoba' Fidiée` i'neáang`jneaa`aa' do jogui i cuøø'
 jneaa`aa' e se`naa' juguiá⁻ júu^ røø`, dseáng'⁻
 cøøm` niliseeiñ` cóo'⁻ 'nú'.

12 Jogui féeng` rúng`na' e se' guoo` rúng`na'
 laco` ya' mi` jié` jing` rúng`na'.

13 Jo lajim` dsea` rú`naa' dsea` quiá'⁻ Dsea`
 Jmáang⁻ i seeng` fí' la guiéiñ` júu^ guicóo'⁻ quí'⁻na'.

14 Jo m#i` i Fí'naa' Dsea` Jmáang⁻ e laco'
 niliñí`gui' jial tí' guiúíñ` cóo'⁻ 'nú' jogui e
 niliñí`gui' jial tí' 'neáang` Fidiée` 'nú', jogui cajo e
 laco' yejí` güiliseeng` Jmiguí quiá'⁻ Fidiée` cøøng`
 cóo'⁻ 'nú' lajaléng`na'.

Jo lajob nilí.

Jo lana cató' e jì` catí` tú` quiá'⁻ Paa⁻ e catíng⁻
 jaléng` dsea` quiá'⁻ Dsea` Jmáang⁻ i seeng` fí' Cor-
 into.

Júu 'má e cacuo fidiée
New Testament in Chinantec, Comaltepec
(MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022

30c6f873-0dee-5863-8883-ba3c5eaa988c